

乾

周易  
一





周易傳義大全卷之一

周易上經

**本義**

周代名也易書名也其卦本伏羲所

畫有交易變易之義故謂之易其辭則文  
王周公所繫故繫之周以其簡袞重大故  
分為上下兩篇經則伏羲之畫文王周公  
之辭也并孔子所作之傳十篇凡十二篇  
中間頗為諸儒所亂近世晁氏始正其失  
而未能盡合古文呂氏又更定著為經二  
卷傳十卷乃復孔氏之舊云

或問伏羲始  
畫八卦其六





周易傳義大全卷之一

周易上經

**本義**

周代名也易書名也其卦本伏羲所

畫有交易變易之義故謂之易其辭則文  
王周公所繫故繫之周以其簡袞重大故  
分為上下兩篇經則伏羲之畫文王周公  
之辭也并孔子所作之傳十篇凡十二篇  
中間頗為諸儒所亂近世晁氏始正其失  
而未能盡合古文呂氏又更定著為經二  
卷傳十卷乃復孔氏之舊云

或問伏羲始  
畫八卦其六



十四者文王重之邪抑伏羲已自畫了邪  
看先天圖則有八卦便有六十四卦是伏  
羲之時已有六畫矣如朱子曰周禮三  
易經卦皆八其別皆六十有四便見不  
文王重又曰伏羲已上乃繫之以辭○問  
字可傳到得文王周公乃繫之以辭○問  
交易變易如何曰陰陽有箇流行底有箇  
定位底一動一靜互為其根便是流行底  
寒往暑來是也分陰分陽兩儀立焉便是  
定位底天地上下四方是也變易便是流  
行底交易便是對待底又曰交易是陽交  
於陰陰交於陽是卦圖上底如天地定位  
山澤通氣雷風相薄水火不相射八卦相  
錯者是也變易是陽變陰陰變陽老陽變  
為少陰老陰變為少陽此是占筮之法如  
晝夜寒暑屈伸往來者是也○沙隨程氏  
曰周者著代也言文王從之書以別連  
歲也○虞氏翻曰易字從日下月○莆田  
鄭氏曰易從日從月天下之理一奇一耦  
盡矣天文地理人事物類以至性命之微



變化之妙否泰損益剛柔得失出處語默  
 皆有對敵故易設一長畫二短畫以總括  
 之所謂一陰一陽之謂道者此也○西山  
 真氏曰日往月來寒往暑來晝夜昏明循  
 環不息此天道之常也聖人擬之以作易  
 不過推明陰陽消長之理而已陽長則陰  
 消陰長則陽消一消一長之理進退存亡之  
 學易則知吉凶消長之理進退存亡之道而  
 也○臨川吳氏曰伏羲始畫八卦因重  
 之以其有交易變易之義名之曰易其時  
 未有易字也有圖而無書也後之造字者  
 始合日月二文而為易字夏商之時因其  
 卦畫用以占筮其序各與先天之圖不同  
 故連山首艮歸藏首坤按朱子謂有占無  
 文則以為二易无繇辭也或云左傳所載  
 繇辭與周易不同者蓋夏商之易則以為  
 有繇辭矣至文王又作爻辭八卦之名為  
 且作彖辭矣至文王又作爻辭八卦之名  
 子又為之傳自是二易遂廢而周易獨傳  
 焉○東萊呂氏曰按繫辭云二篇之策萬



有一千五百二十所謂二篇則上下二篇也然則孔子時易固分上下經矣以此考之易經之分上下必始於文王定周易之時近世鼂氏編古周易乃合而為一且謂後人妄有上下經之辨何其考之不詳哉○雙湖胡氏曰按鼂氏以道謂古者竹簡重大以經為二篇本義從之然經分上下誠有至理上為二篇雖有三十八卦三十四卦之不同以反對計之各十六陰爻卦一也上經反對五十二陽爻五十六陰爻卦一也下經反對五十二陽爻五十六陰爻卦一也上經以四正卦為主首乾坤而終坎離與先天圖南北東西四方卦合下經以二變卦為先天圖震變為艮巽變為兌首咸恒而終既未濟與先天圖伏羲先天一圖大旨備見於文王序卦首尾中三也若上經首乾坤簡重大之故耶○雲峯胡氏曰上經首乾坤簡重大之始也陰陽各三十畫然後為泰否下經首咸恒形化之始也陰陽亦各三十畫然後



為損益見天地與長少男女之交不交上  
下經終坎離既未濟又見乾坤中交之交  
而中男女之交不交程朱  
子變易交易之義深矣

三三

乾下  
乾上

乾元亨利貞

傳

上古聖人始畫八卦三才之道備矣因而

重之以盡天下之變故六畫而成卦重乾為  
乾乾天也天者天之形體乾者天之性情乾  
健也健而无息之謂乾夫天專言之則道也  
天且弗違是也分而言之則以形體謂之天  
以主宰謂之帝以功用謂之鬼神以妙用无

乾



用字謂之神以性情謂之乾乾者萬物之始故

為天為陽為父為君元亨利貞謂之四德元

者萬物之始亨者萬物之長利者萬物之遂

貞者萬物之成唯乾坤有此四德在他卦則

隨事而變焉故元專為善大利主於正固亨

貞之體各稱其事四德之義廣矣大矣

程子曰乾

坤古无此二字作易者特立此以明難明之道。乾坤毀則无以見易須以意明之。○讀

易須先識卦體如乾有元亨利貞四德缺却一箇便不是乾須要認得。○張子曰乾之四

德終始萬物迎之不見其首隨之不見其後然推本而言當父母萬物。○朱子曰元亨利

貞理也有這四段氣也有這四段理便在氣中兩箇便不相離若是說時則有那未涉於



氣底四德要就氣上看也得有是氣則理便  
具所以伊川只恁地說便可見得物裏面便  
有這理○乾之利貞是陽中之陰坤之元亨  
是陰中之陽乾後三畫是陰坤後三畫是陽  
又曰人只見夫子於乾坤文言解作四德他  
卦只云大亨以正便須要於乾坤四德說教  
大於他卦畢竟本皆占辭也○問據程子傳  
說却是聖人始畫八卦每卦便是三畫聖人  
因而重之為六畫似與邵子一生兩兩生四  
四生八八生十六十六生三十二三十二生  
六十四為六畫不同曰程子之意只云三畫  
上疊成六畫八卦上疊成六十四耳與邵子  
說誠異蓋康節此意不曾說與程子程子亦  
不及問之故一向只隨他所見去但他說聖  
人始畫八卦不知聖人畫八卦時先畫甚卦  
此處便曉他不得○問乾者天之性情曰乾  
健也健之體為性健之用是情又曰性情二  
者常相參在此情便是性之發非性何以有  
情健而無息非性何以能如此又曰火之性  
情元是箇熱水之性情則是箇寒天之性情

則是箇健。○乾者天之性情，指理而言也。謂之性情，該體用動靜而言也。○乾者天之性情，此只是論其性體之健靜專是性動直是情大抵乾健雖靜時亦專到動時便行之直。到坤主順只是翕闢謂如一箇剛健底人，雖在此靜坐亦專一而有箇作用底意思，只待去作用到得動時其直可知。若一柔順人坐時便只恁地靜坐收斂全無箇管為底意思。其動也只是闢而已。又問如此則乾雖靜時亦有動意否？曰然。○乾坤是性情，天地是皮殼，其實是一箇道理。○問天專言則道也，曰如云天命之謂性便是。○說道如云天之蒼蒼便是。○說形體惟皇上帝降衷于下民是說帝便似以物給付與人便有主宰之意。又曰天道虧盈而益謙，地道變盈而流謙，此是說形體。○問天專言之則道也，天且弗違是也。此語何謂？曰程子此語某亦未敢以為然。天且弗違此只是上天曰知性則知天，此天便是專言之則道者否？曰是。○問以主宰謂之帝孰為主宰？曰自有主宰蓋天是箇至剛至陽。



之物自然如此運轉不息所以如此必有為  
之主宰者這樣處要人自見得非言語所能  
到也○問以功用謂之鬼神只是妙用謂之神  
日鬼神只是往來屈伸功用只是妙用謂之神  
所謂神也者妙萬物而為言妙處即是神其  
幾見而見於功用者謂之鬼神至於不測者  
則謂之神又曰功用言其氣也妙用言其理  
也又曰功用是有迹底妙用是無迹底又曰  
功用無精粗而言妙用言精者○伊川好意  
思固不盡在解經上然就解經上亦自有極  
好意思如說乾字便云乾健也健而無息之  
謂乾夫天專言之則道也天且弗違是也分  
而用之則以形體謂之天以主宰謂之帝以  
功用謂之鬼神以妙用謂之神以性情謂之  
乾○東萊呂氏曰乾元亨利貞如堯欽明文  
思舜濬哲文明○西溪李氏曰四德見性六  
爻見情○蛟峯方氏曰元亨利貞在乾為四  
德者蓋六畫純陽惟天惟聖人足以當之本  
大本通本貞本无所不利不用戒辭非  
他卦之比也故孔子變例以四德釋之

乾



**本義**

六畫者伏羲所畫之卦也一者奇也陽

之數也乾者健也陽之性也本註乾字三畫

卦之名也下者內卦也上者外卦也經文乾

字六畫卦之名也伏羲仰觀俯察見陰陽有

奇耦之數故畫一奇以象陽畫一耦以象陰

見一陰一陽有各生一陰一陽之象故自下

而上再倍而三以成八卦見陽之性健而其

成形之大者為天故三奇之卦名之曰乾而

擬之於天也三畫已具八卦已成則又三倍

其畫以成六畫而於八卦之上各加八卦以

成六十四卦也此卦六畫皆奇上下皆乾則陽之純而健之至也故乾之名天之象皆不易焉元亨利貞文王所繫之辭以斷一卦之吉凶所謂彖辭者也元大也亨通也利宜也真正而固也文王以為乾道大通而至正故於筮得此卦而六爻皆不變者言其占當得大通而必利在正固然後可以保其終也此聖人所以作易教人卜筮而可以開物成務之精意餘卦放此

朱子曰數者祇是氣之分限節度處得陽必奇得陰

必耦凡物皆然故聖人以之畫卦天便是地便是二天之形雖包乎地之外而其氣實



透乎地之中故乾一而實地雖一塊物事在  
天之中然其中實虛容得天許多氣故坤一  
而虛○乾只是箇健坤只是箇順純是陽所  
以健純是陰所以順至健者惟天至順者惟  
地所以後來取象乾便為天坤便為地○問  
以乾字為伏羲之文元亨利貞為文王之文  
固是知履虎尾同人于野亨之類又如何  
曰此恐是少了字或是就上字立辯○古人  
淳質遇一道理會不下便須去占如占得乾  
時元亨便是大亨利貞便是利在於正知其  
大亨却守其正以俟之只此便是開物成務  
底道理即此是易之用蓋元亨是示其所以  
為卦之意利貞是因以為戒又曰元亨利貞  
四字文王本意在乾坤者只與諸卦一般至  
孔子作彖傳文言始以乾坤為四德而諸卦  
自如其舊二聖人之意非有不同蓋各是發  
明一理耳今學者且當虛心玩味各隨本文  
之意而體會之其不同處自不相妨不可遽  
以已意橫作主張也○問本義云見陽之性  
健而成形之大者為天故三奇之卦名之曰



乾

乾而擬之於天也切謂卦辭未見取象之意其成形之大者為天及擬之於天二句恐當於大象言之下文為天之象皆不易一句亦然曰纔設此卦時便有此象了故於此豫言之又後面卦辭亦有無象說者故不得不豫言也○孔氏曰卦者掛也懸掛物象以示人也○希夷陳氏曰羲皇始畫八卦重為六十有四不立文字使天下之人觀其象而巳能如象焉則吉凶應違其象則吉凶反後世卦畫不明易道不傳聖人於是不得已而有辨學者謂易止於是而不復知有畫矣○節齋蔡氏曰卦者事物之質也原事物之始要事物之終以為質也爻者效也效事物之時而動也○隆山李氏曰方一陰之生於時為午於節為夏至陰氣之所激宜其為寒也而反熱一陽之生於時為子於節為冬至陽氣之所激宜其為熱也而反寒蓋一陰之氣萌於地於地下推出陽氣而發見於外故熱一陽之氣萌於地於地下推出陰氣而發見於外故寒此陰陽之氣自下而上各分為六層而卦之六畫象

之非聖人之私意也。○中溪張氏曰：陽畫奇陰畫耦，方其一畫之時，一奇一耦，只可謂之陰陽。未可謂之乾坤，自奇奇而奇，耦耦而耦，然後有乾坤之名。重三而六，六畫皆奇，是為純乾。乾下者，洪範曰：貞是也。乾上者，洪範曰：悔是也。○雲峯胡氏曰：夏連山首艮，商歸藏首坤，文王之易首乾，易為明大分而作也。觀先天橫圖，乾居一圓圖，乾居前義，易固已如此矣。本義云：一奇也。陽之數也。從象上說，乾健也。陽之性也。從理上說，程子云：至微者理，至著者象。朱子又即數與性，發明之。當伏羲時，有乾卦畫未，有元亨利貞，卦辭想占得乾卦者，即六畫之象，已自知有元亨利貞之理矣。又曰：元亨利貞，諸家便作四德解，惟本義以為占辭。故筮得此卦而六爻皆不變者，以此為占。按啓蒙則非特六爻不變者占此乾，三爻變或他卦三爻變之乾者，亦無以此占。大通而至正，此天理之本然。大通而必在正，固人事之當然也。乾為易第一卦，占得之者，其事雖大通而非正，固尚不能保其終況他。



卦乎故易六十四卦彖辭三十四卦言貞然則不貞者固不可以占也。○雙湖胡氏曰六十四卦首乾次坤者蓋本天地之位著君臣上下之分以紀綱人極今觀乾坤二卦彖辭利貞安貞吉之訓可以見文王之心矣要之彖辭只是卜筮占決之辭亦多取象及卦變大抵皆因占以寓教如言利貞不言利不貞言貞吉不言不貞吉之類貞便是言利正固底道理又曰聖人之道雖四聖人之教本一者何占是也故占筮之頃辭變象因可觀玩而言動制器固在其中矣此聖人之精意所寓學者所當潛心焉

### 初九潛龍勿用

**傳**下爻為初九陽數之盛故以名陽爻理无形也故假象以顯義乾以龍為象龍之為物靈變不測故以象乾道變化陽氣消息聖人



進退初九在一卦之下為始物之端陽氣方

萌聖人側微若龍之潛隱未可自用當晦養

以俟時

程子曰乾六爻如欲見聖人曾履處

時便是見升聞時便是乾乾納于大麓時便是躍。或問程易以初二三四爻作舜說

何以見得如此朱子曰此是推說爻象之意

非本指也讀易若通得本指後便儘有道理

可說問何謂本指曰易本因卜筮而有象因

象而初九陽在下未可施用其象為潛龍其占曰

勿用九遇乾而得此爻者當觀此象而玩其

占隱晦而勿用可也他皆倣此此易之本指

也蓋潛龍則勿用此便是道理故聖人為彖

辭象辭文言節節推去無限道理此程易所

以推說得無窮然非易本義也先通得易本

指後道理儘無窮推說不妨若便以所推說

者去解易則失易之本指矣又曰伊川說得



都犯手勢引舜來做乾卦乾又那裏有箇舜  
來當初聖人作易又何嘗說乾是舜他只是  
懸空說在這裏都被人說得來事多失了他  
潔靜精微之意只是說箇象是如此何嘗  
有實事如春秋便句句是實事易不過是因  
畫以明象因象以推數因這象數便推箇吉  
凶以示人而已都無後來許多勞攘說話○  
縉雲馮氏曰居下而欲為上禍斯及矣時方  
潛藏而欲發泄所謂反時為戕也○穀齋沈  
氏曰易為君子謀不為小人謀乾言潛龍勿  
用則欲君子之難進坤言履  
霜堅冰則防小人之易長

**本義**初九者卦下陽爻之名凡畫卦者自下

而上故以下爻為初陽數九為老七為少老  
變而少不變故謂陽爻為九潛龍勿用周公  
所繫之辭以斷一爻之吉凶所謂爻辭者也







乾

便是就事上指殺說來然會看底雖孔說  
也活也無不通不會看底雖文王周公說  
也死了須知得他是假託說是包舍說假託  
謂不惹著那事包舍是說箇影象在這裏無  
所不包○乾初九只是陽氣潛藏之象未可  
哉用之占耳若便著箇不易乎世不成乎名  
隱而未見行而未成之入妨當此時居此位  
了若會得卦爻本意却不妨當此時居此位  
作此人也○節齋蔡氏曰初位也九爻也初  
二三四五上為位之陰陽九六為爻之陰陽  
氣消息自下而上故畫卦自下而上始潛象初  
龍象九○丹陽都氏曰以時言之有初則有  
終以位言之有上則有下以數言之有二三  
四五則有一六三者互文以見也○沙隨程  
氏曰水經龍以秋日為夜埋雅龍秋分而降  
則蟄寢于淵聖人擬諸其形容象其物宜如  
此○李氏仁父曰龍鱗八十一為九九之數  
亦以象乾也○臨川王氏曰龍行天之物也  
故以象乾馬行地之物也故以象坤○雲峯  
胡氏曰易之為道辭變象占而已就此爻觀



之九為變潛龍為象勿用為占初九潛龍勿  
 用為占之辨餘倣此又曰乾初象潛龍護微  
 陽也坤初象履霜防微陰也於陽之微則恐  
 其或用勿也者禁之之辨也於陰之微則慮  
 其必盛至也者危之之辭也○雙湖胡氏曰  
 六爻取六龍象固以純陽之物而象純陽之  
 爻然亦實取其變也龍之為物靈變不測能  
 大能小能隱能見潛則入于淵飛則升于天  
 亦猶乾為純陽卦若其動而變則六爻可變  
 三百八十四爻真活動不拘爾○隆山李氏  
 曰六爻之象皆取於龍者陽體之健其潛見  
 惕躍飛亢者初終之序而變化之迹也○孔  
 氏曰卦辭多文王後事升卦六五王用亨于  
 岐山明夷六五箕子之明夷皆文王後事也  
 故馬融陸績等皆以為  
 爻辭出於周公是也

九二見龍在田利見大人

見龍之見賢遍反

傳田地上也出見於地上其德已著以聖人



言之舜之田漁時也利見大德之君以行其道君亦利見大德之臣以共成其功天下利見大德之人以被其澤大德之君九五也乾

坤純體不分剛柔而以同德相應程子曰九

人九五利見大人聖人固有在上者在下者

○朱子曰六爻不必限定說且如潛龍勿用

若見龍在田若自當不用人君得之也當退

大底物伊川亦自說一爻當一事則三百八

十四爻只當得三百八十四事說得自好不

知如何到他解却恁地說○李氏開曰二為

**本義**

二謂自下而上第二爻也後放此九二

剛健中正出潛離隱澤及於物物所利見故  
其象為見龍在田其占為利見大人九二雖  
未得位而大人之德已著常人不足以當之  
故值此爻之變者但為利見此人而已蓋亦  
謂在下之大人也此以爻與占者相為主賓  
自為一例若有見龍之德則為利見九五在

上之大人矣

朱子曰乾卦他爻皆可作自家身上說惟九二九五要作自家

說不得兩箇利見大人向來人都說不通九二有甚麼形影如何教見大人看來只占得此二爻便可見大人大人不必說人君也占者當不得見龍飛龍則占者為客利見那大人大人即九二九五之德見龍飛龍是也若潛龍君子則占者自當之矣。臨川吳氏曰



凡卦畫陽為大陰為小以三畫卦言二為人  
位九居二故為大人○蕪山郭氏曰乾德以  
大為主大人者其道大之人也○雲峯胡氏  
曰龍九象見而在田二象以六畫言則初二  
地位二地上故象田以三畫言則二與五本  
人位故九二九五象大人九二方出潛而猶  
未大顯是有大人之德未有大人之位者也  
本義謂常人不足以當之蓋如初九潛龍之  
象凡占者皆可當之象占之正例也如九二  
見龍是象利見大人是占則以象為主占為  
客變例也

九三君子終日乾乾夕惕若厲无咎

**傳**三雖人位已在下體之上未離於下而尊

顯者也舜之玄德升聞時也日夕不懈而兢  
惕則雖處危地而无咎在下之人而君德已

著天下將歸之其危懼可知雖言聖人事苟

不設戒則何以為教作易之義也或問陳瑩中嘗愛文

中子或問學易子曰終日乾乾可也此語最

盡文王所以聖亦只是箇不已程子曰凡說

經義如只管節節推上可知知是盡夫終日乾

乾未盡得易據此一句只做九三使善謂乾

乾是不已不已又是道道漸漸推去則自然是

盡理不如此○曾祖道因論易傳問九三終

日乾乾是君子進德不懈不敢須臾寧否朱

子曰程子云在下之人君德已著此語亦是

拘了昔嘗有人問程子曰胡安定以九四一爻

為太子者程子笑之曰如此三百八十四爻

只做得三百八十四件事了此說極是及到

程子解易却又拘了要知此是通上下而言

在君有君之用臣有臣之用父有父之用子

有子之用以至事物莫不皆然若如程子之

說則千百年間只有箇舜禹用得也大抵九

三此爻才剛而位危故須著乾乾惕厲方可



无咎若九二則以剛居中位易處了。○問伊  
川云雖言聖人事苟不設戒何以為教竊意  
因時而惕雖聖人亦常有此心曰易之為書  
廣大悉備人皆可得而用初無聖凡之別但  
當著此爻便用兢兢戒惕○厚齋馮氏曰乾  
坤君臣之分聖賢之德也然乾不專言聖人  
者作經立教使夫婦之愚皆可與知與行若  
專以聖人言之則天下之望絕矣故自二五  
大人之外止言君子使天下之為父為夫為  
子者皆可勉而至也又曰易為天下作故必  
設為警懼戒謹之辭所以立教也○東萊呂  
氏曰讀程傳者多謂聖人無待於戒只為戒  
衆人故設教若如此看則是聖人處已教人  
分作兩段大失傳意蓋傳言若謂聖人不須  
設教則無以為教設如設官之設非假設  
之設也教如儒教之教非教人之教也

**本義**

九陽爻三陽位重剛不中居下之上乃

危地也然性體剛健有能乾乾惕厲之象故

其占如此君子指占者而言言能憂懼如是

則雖處危地而无咎也朱子曰九三以過剛

是如乾乾夕惕若則雖危无咎矣聖人正意只

不中居下之上有三不言象何也曰九三陽剛

故特指言乾乾惕若而已言有乾乾惕厲之

象也○厲无咎是一句他後面有此例如頻

復厲无咎是也又曰厲多是陽爻說○聖人

因卦爻以垂戒多是利於正未有不正而利

者如云夕惕若厲无咎若占得這爻必是朝

兢夕惕戒謹恐懼可以无咎若自家不省如

象三下卦之終故諸爻多於三言終夕亦三

象日之終也三居下體之上當危懼之時惟

自強不息戒謹恐懼可以免咎故曰乾乾夕

惕若厲无咎然此非龍之所可為故以君子

言之○王氏曰凡言无咎者本皆有咎也慶

得其道故得无咎也○雲峯胡氏曰初二地



位故二曰在田五上天位故五曰在天三四  
人位故三不稱龍而稱君子下乾終而上乾  
繼之故曰乾乾亦曰性體剛健蓋健者乾之性  
也此釋乾乾象九三惕之象也六爻惟三四  
龍不過乾之象九三惕之象也六爻惟三四  
剛健自有能乾乾象九三惕之象也六爻惟三四  
言无咎以人位故也○雙湖胡氏曰初二為  
地地者龍之下位五上為天胡氏曰初二為  
三四人位非龍之所據乾九三一爻實居六  
十四卦人道之首聖人尤致意焉此六爻所  
以不言乾乾而三  
獨言乾乾也

# 九四或躍在淵无咎

**傳**

淵龍之所安也或疑辭謂非必也躍不躍

唯及時以就安耳聖人之動无不時也舜之

歷試時也

或問胡先生解九四作太子恐不  
是卦義程子曰亦不妨只看如何

乾

用當儲貳便做儲貳使九四近君便作儲貳  
亦不害但不要拘一若執一事則三百八十  
四爻只作得三百八十四件事便休也○沙  
隨程氏曰初與二既皆稱龍此爻雖不稱龍  
即上文知其為龍也亦猶大壯九三羝羊觸  
藩羸其角而九四不言羊知藩決不羸即羊  
也○瀘川毛氏曰躍者飛之漸或者未必然  
之辯○西溪李氏曰或躍陽使之也在淵陰  
係之也○中溪張氏曰躍淵即龍之象也在  
四不言龍蓋疑於五也○潛室陳氏曰无咎  
者善補過之辭乾聖人之事而九三九四皆  
以无咎言之何也曰易之爻義有不足處有  
當垂戒處故各係以无咎之辭固不問聖人  
與凡人也易之為易謂變易不拘也在聖人  
即作聖人用之凡人即作凡人用之若乾卦  
只斷作聖人之事則六十四卦之用有窮矣  
豈所謂  
易者乎

**本義**或者疑而未定之辭躍者无所緣而絕



於地特未飛爾淵者上空下洞深昧不測之  
所龍之在是若下於田或躍而起則向乎天  
矣九陽四陰居上之下改革之際進退未定  
之時也故其象如此其占能隨時進退則无

咎也

朱子曰淵與天不爭多淵是那空虛無  
實底之物躍是那不著地了兩脚跳上

去底意思一躍即飛在天○山齋易氏曰九四  
通上下體故謂之躍猶在田今反謂之在淵者  
已離下體於田二言在田今反謂之在淵者  
在淵乃龍之所宅非在田之○建安丘氏曰九為陽  
在淵動故言躍四為陰陰虛故象淵或者疑之  
也進則躍退則在淵出處如此可无咎矣○  
雲峯胡氏曰其位上下之交其時進退未定  
之際躍以或言審於進也淵以在言安於退

乾

也

九五飛龍在天利見大人

**傳**進位乎天位也聖人既得天位則利見在

下大德之人與共成天下之事天下固利見

夫大德之君也

龜山楊氏曰此舜之謳歌朝

利見大人文言分明明言同聲相應同氣相求

水流濕火就燥雲從龍風從虎聖人作而萬

物覩解利見大是以聖人為龍以作言飛以大德

之君也今人却別做一說恐非聖人本意

隆山李氏曰乾之六龍獨取君象潛見飛躍

其跡不同同此一龍耳向以德為天下之德為一

世之所利見今以大人之德為天下之德所利

見所謂聖人作而萬物覩也○西漢李氏曰

人心所謂利見已在二矣况正九五之位乎○



揚氏雄曰龍之潛亢不獲中矣過中則惕不及中則躍二五其中乎故有利見之吉

**本義**剛健中正以居尊位如以聖人之德居

聖人之位故其象如此而占法與九二同特

所利見者在上下之大人爾若有其位則為利

見九二在下之大人也朱子曰九二九五兩

之德觀之若已是有九二之德占得此九二

爻則為利見九五五大德之君若常人无九二

之德者占得之則只為利見此九二之德占得此九

耳已為九五之君而有九五之德占得此九

五爻則為利見九二大德之人若九二之人

占得之則為利見此九五五大德之人各隨所

占之人以爻與占者相為賓主也太祖一日

問王昭素曰九五飛龍在天利見大人常

何可占得此卦昭素曰何害若臣等占得則

陛下是飛龍在天臣等利見大人是利見

下也此說得最好如此所以三百八十四爻  
 而天下萬事无不該无不周遍此易之用  
 所以不窮也○誠齋楊氏曰九天德也龍象  
 也五天位也飛而在天之象也○雲峯胡氏  
 曰本義於二五皆曰剛健中正九五以天德  
 居天位剛健而純中正而粹者也○文言曰剛  
 健中正純粹精也其九五之謂歟雲行雨施  
 天下平也則飛龍在天之事矣在田乃雲行  
 雨施天乃

上九亢龍有悔

亢苦浪反

**傳**

九五者位之極中正者得時之極過此則

亢矣上九至於亢極故有悔也有過則有悔

唯聖人知進退存亡而无過則不至於悔也

成萬物而無窮也陽氣至此而盛極陰氣將  
 成萬物張氏曰天地之道以六陽遞相往來生



生而推之苟不能窮上返下以知變是之謂  
亢非久而不窮之道也○白雲郭氏曰三過  
而惕故无咎上過而亢故有悔龍德莫善於  
惕莫不善於亢亢則貪位慕祿不知進退存  
亡其悔宜矣堯老舜攝舜亦以命禹伊尹復  
政厥辟周公復子明辟君臣之間皆有是道  
則○進齋徐氏曰堯老而舜攝極

**本義**上者最上一爻之名亢者過於上而不

能下之意也陽極於上動必有悔故其象占

如此朱子曰上九亢龍有悔若占得此爻必

亢如這般慶景是易之大義大抵於盛滿時

致戒蓋陽氣正長必有消退之漸自是理勢

如此又曰當極盛之時便須慮其亢如當堯  
之時須交付與舜若不尋得舜便交付與他  
則堯之後天下之事未可知○雲峯胡氏曰  
凡卦爻有占无象象在占中有象无占占在

象中如乾初二五上分象與占九三終日乾  
乾夕惕若疑皆占辭也而曰終日日夕象在  
其中九四或躍在淵似若專言象也而曰或  
日之在占在其內若其辭則有不同者勿用禁  
咎勉之之利見幸之辭无咎謂如此而後无  
可見矣且有悔卦以內為貞外為悔乾上九外卦  
之終日有悔坤六三內卦之終日可貞貞悔  
二字豈非叢諸卦之凡例乎○李氏曰乾陽  
物也消息盈虛有時龍陽類也潛見躍飛亦  
有時聖人龍德也升降進退亦有時爻序可  
知矣○沙隨程氏曰易以道義配禍福故為  
聖人之書陰陽家獨言禍福而不配以道義  
故為伎術如此而詭遇獲禽則曰吉得正而  
斃則曰凶故王仲淹曰京房郭璞古之亂常  
人也○雙湖胡氏曰文王於乾无所取象蓋  
以乾卦畫即象而元亨利貞直占辯耳周公  
始象六爻以六龍至孔子大象方有天之名  
說卦方有大馬之名而為首為君為父為王  
金之類始大備後之象學者各據三聖而論



庶无惑於紛紜之多端也大抵易莫難明於  
象象明則占煥而辨變亦有不難通者矣又  
曰沙隨謂易以道義配  
禍福最有補於世教云

用九見羣龍无首吉

**傳**用九者處乾剛之道以陽居乾體純乎剛

者也剛柔相濟為中而乃以純剛是過乎剛

也見羣龍謂觀諸陽之義无為首則吉也以

剛為天下先凶之道也

程子曰荆公言用九只在上九一爻非也

六爻皆用九故曰見羣龍无首吉用九便是  
行健處天德不可為首言乾已至剛健又安  
可更為物先為物先則有禍所謂不敢為天  
下先乾順時而動不過處便是為首六爻  
皆同○或問伊川之意似云用陽剛以為天  
下先則凶无首則吉朱子曰凡說文字須有

乾

情理方是用九當如歐公說方有情理某解  
易所以不敢同伊川便是有這般處看來當  
以見羣龍无首為句蓋六陽已盛如羣龍然  
龍之剛猛在首故見其无首則吉大意只是  
要剛而能柔自人君以至士庶皆須如此若  
說為天下先便只是人主方用得以下更使  
不得恐不如此又曰如歐說蓋為卜筮言所  
以須著有用九用六若如伊川說便无此也  
得○廣平游氏曰乾以純陽陽極而亢坤以  
純陰陰極而戰如其不變則亢而災戰而傷  
不能免也乾用九則陽知其險而變故无  
首吉坤用六則坤知其阻而變故利永貞

**本義**用九言凡筮得陽爻者皆用九而不用

七蓋諸卦百九十二陽爻之通例也以此卦

純陽而居首故於此發之而聖人因繫之辭  
使遇此卦而六爻皆變者即此占之蓋六陽



皆變剛而能柔吉之道也故為羣龍无首之  
象而其占為如是則吉也春秋傳曰乾之坤  
曰見羣龍无首吉蓋即純坤卦辭牝馬之貞  
先迷後得東北喪朋之意

或問乾坤獨言用九用六何也朱子曰

曰此二卦純陽純陰而居諸卦之首故於此  
爻者皆用九而不用七占得陰爻者皆用六  
而不用八蓋七為少陽九為老陽六為老陰  
八為少陰老變而少不變凡占用九用六者  
用其變爻占也遇乾而六爻皆變則為陰遇  
坤而六爻皆變則為陽○用九用六此歐公  
舊說也而愚又嘗因其說而推之竊以為凡  
得乾而六爻純九得坤而六爻純六者皆當  
直就此例占其所謂繫之辭不必更看所變之  
卦左傳蔡墨所謂乾之坤曰見羣龍无首即  
坤之牝馬先迷也利永貞即乾之不言所利

乾

也。○用九不用七，且如得純乾卦，皆七數。這却是，是不變底。他未當得九，未在這爻裏面。所以只占上面，彖辭用九，蓋是變底。○羣龍无首，這便是利牝馬者，為不利壯，而却利牝如西南得朋，東北喪朋，皆是无頭底。又曰：卦之本體，元是六龍，今變為陰頭面，雖變渾身，却只是龍，只一似无頭底。龍相似。○廬陵歐陽氏曰：乾坤之一，用九，用六，何謂也？曰：乾爻七九，坤爻八六，九六變而七八，无為易道占其變，故以其所占者名爻，不謂六爻皆九六也。及其筮也，七八常多而九六常少，有九六者焉。此不可以不釋也。六十四卦皆然，特於乾坤言之，則餘可知耳。○雲峯胡氏曰：卦主乎用，故先乾而後坤，艮動者為主也。爻主乎用，故用九六而不用七八，變者為主也。乾見羣龍以知言，坤利永貞以行言，乾主知而坤見主行也。要之占固不用七八，然有六爻俱不變者，有六爻中一爻二爻不變者，亦未嘗不用七八，但遇七八常多九六常少，則以少為主，故常用九六易變易也。以變為主，故三



百八十四爻  
皆用九六

彖曰大哉乾元萬物資始乃統天

**本義**

彖即文王所繫之辭傳者孔子所以釋

經之辭也後凡言傳者倣此○此專以天道

明乾義又析元亨利貞為四德以發明之而

此一節首釋元義也大哉歎辭元大也始也

乾元天德之大始故萬物之生皆資之以為

始也又為四德之首而貫乎天德之始終故

曰統天

或問贊易之贊朱子曰稱述其事如大哉乾元之類是贊又曰凡彖辭象

辭皆押韻○乾者萬物之始對亨利貞而言天地之道也元者萬物之始對亨利貞而言四時

乾

之序也錯綜求之其義乃盡○乾元只是天之性不是兩箇物事如人之精神豈可謂人自是人精神自是精神萬物資始與資之深資於事父以事君之資皆訓取字○乾元統天蓋天只是以形體而言乾元即天之所以為天者也猶言性統形耳○元者用之端而亨利貞之理具焉至於為亨為利為貞則亦元之為耳此元之所以包四德也若分而言之則元亨誠之通利貞誠之復其體用固有在矣以用言則元為主以體言則貞為主○大哉乾元萬物資始至哉坤元萬物資生那元字便是生物之仁資始是得其氣資生是成其形到得亨便是他彰著利便是結聚貞便是收斂收斂既无形跡又須復生至如夜半子時此物雖存猶未動在到寅卯便生巳午便著申酉便結亥子丑便實及至寅又生他這箇只管運轉一歲有一歲之運一月有一月之運一日有一日之運一時有一時之運雖一息之微亦有四箇段子恁地運轉又曰元亨利貞无斷處貞了又元今日子時前



便是昨日亥時物有夏秋冬生底是到這裏  
方感得生氣他自有箇小小元亨利貞○節  
齋蔡氏曰彖者斷也卦之辭卦之斷也凡言  
彖曰者又釋彖之義也○雙湖胡氏曰彖傳  
乃孔子贊文王卦辭然多自發明已意以解  
伏羲卦不盡同於文王如乾卦辭文王只作  
占辭孔子自作四德又其間多說卦變此卦  
自某卦來皆孔子所自發文王間亦有之而  
不如孔子之多○毅齋沈氏曰資始者氣之  
始資生者形之始故皆謂之元而有施受倡  
和之分故以乾坤相配○建安丘氏曰以四  
德言雖有一元亨利貞之分而其所以無間斷  
者亦惟一元之運行有所統攝也○蘭氏廷  
瑞曰乾元者天陽一元之氣亦如人之有元  
氣也人知萬物之生於地而不知天以乾元  
之氣為之始亦如人之生於母而不知資始  
於父之元氣也始之於未  
生之前生之於有始之後

# 雲行雨施品物流形

卦施始鼓反  
卦內皆同

乾

**本義** 此釋乾之亨也

程子曰雲行雨施是乾之亨處○誠齋楊氏曰

彖言元利貞而獨不言亨者蓋雲行雨施即氣之亨也品物流形即形之亨也

大明終始六位時成時乘六龍以御天

**本義** 始即元也終謂貞也不終則无始不貞

則无以為元也此言聖人大明乾道之終始

則見卦之六位各以時成而乘此六陽以行

天道是乃聖人之元亨也朱子曰乾四德元最重其次貞亦重

以明終始之義非元則无以生非貞則无以終非終則无以為始不始則不能成終如此

循環无窮此所謂大明終始也又曰終始即四德也始則元終則貞蓋不終則無以為始

不貞則無以為元六爻之立由此而耳以時成者言各以其時而成如潛見飛躍皆以



時耳然皆四德之流行也初九九二之半即所謂元九二之半與九三即所謂亨九四與九五之半即所謂貞蓋聖人大明乾道之終始故見六位各所以時成乘此六爻之時以當天運而四德之所以終而復始應變而不窮也又曰天人一理不天矣惟其潛見飛躍各得其時則是人而當天也不曰當天而曰御天以見遲速進退之在我耳又曰時乘六龍以御天六龍只是六爻龍只是譬喻明此六爻之義潛見飛躍以時而動便是乘六龍便是御天聖人便是天天便是聖人○清江張氏曰以上下之定位言之謂之六位以陽氣之變化言之謂之六龍○開封耿氏曰統天言乾之體御天之言乾之用統如身之統四體御如心之御五官○建安丘氏曰聖人體乾之元亨而以終始言之何也蓋以重卦言之乾下三爻元亨也而九三為下乾之終乾上三爻利貞也而九四為上乾之始故九四曰乾道乃革所以

先言終後言始也終始之間功用密庸陽變而陰春夏變而秋冬此正是造化過接處故聖人必大明之以成贊化之功也○雲峯胡氏曰天有十二時陰陽各司其半以成四時故爻位亦以六而成一爻有一爻之位則各有一爻之時六位時成泛指易六虛言時乘六龍專指乾六畫言三百八十四爻只是一時字故夫子首於乾彖幾之坤止說行乾無說知行大明是知御天是行

乾道變化各正性命保合大和乃利貞

**本義** 變者化之漸化者變之成物所受為性

天所賦為命大和陰陽會合冲和之氣也各正者得於有生之初保合者全於已生之後此言乾道變化无所不利而萬物各得其性



命以自全以釋利貞之義也

朱子曰乾道變

亨變化字且只大槩地說不比繫辭所說  
底子細各正性命他那元亨時雖正了然未  
成形質到這裏方成如那百穀堅實了方喚  
做正性命乾道是統說底四德是說他做出  
來底大率天地是那有形了重濁底乾坤是  
他性情其實乾道天德互換了一般乾道又言  
深得些子又曰乾道變化是箇混全底○問變  
草一木各得其理變化是箇混全底○問變  
者化為漸化者變之成如昨日是夏今日立  
秋為變到那全然天涼沒一些熱時是化否  
曰然又曰如此等字自是難說變者化之漸  
化者變之成固是如此然又曰化而裁之謂  
之變則化又是漸蓋化如正月一日漸漸化  
至三十日至二月一日則是正月一日變為二  
月矣然既變則又化是化長而變短此等字須  
當通看乃好○大哉乾元是說天道流行各  
正性命是說人得這道理做那性命處却不  
是正說性如天命之謂性孟子道性善便是

就人身上說性易之所言却是說天人相接  
處。乾道變化各正性命總只是一箇理此  
理處處相渾淪如一粒粟生為苗苗便生花  
花便結實又成粟還復本形一穗有百粒每  
粒箇箇完全又將這百粒去種又各成百粒  
生生只管不已初間只是這一粒分去物物  
各有理總只是一箇理。各正性命保合大  
和聖人於乾卦發此兩句最好人之所以為  
人物之所以為物都是正箇性命保合得箇  
和氣性命便是當初合下分付底保合便是  
有箇皮殼包裹在裏。保合大和即是保合  
此生理也天地氤氲乃天地保合此生物之  
理造化不息及其萬物化生之後則萬物各  
自保合其生理不保合則無物矣。問保合  
大和乃利貞曰天之生物莫不各有軀殼如  
人之有體果實之有皮核有箇軀殼保合以  
全之能保合則真性常存生生不窮如一粒  
之粟外面有箇殼以裹之方其發一萌芽之  
始是物之元也及其抽枝長葉則是利及其既  
到得生實欲熟未熟之際此便是利及其既



實而堅便是真矣。○仁為四德之首而智則能成始而成終猶元為四德之長然元不能於元而生於真蓋天地之化不翕聚則不能散也仁智交際之間乃萬化之機軸此理循環不窮胎合無間不貞則無以為元也。○開封耿氏曰乾道所以變化者陰陽而已各正性命者陰陽之定分保合大和者陰陽之冲氣。○雲峯胡氏曰以二氣之分言則變者萬物之出機元亨是也化者萬物之入機利貞是也以一氣之運言則變者其漸化者其成先言品物流形後言各正性命物有此形即有此性皆天所命也謂之各正則命之稟也乃性之所以一而不易謂之保合則性之存也又命之所以流行而不已蓋大和者陰陽會合冲和之氣而乾元資始之理固在其中矣以漸而變是之謂和。○瀘川毛氏曰變化之餘各正性命收斂於冬也斂之固則泄不以時凡雨雪不應水泉不收愆陽伏陰冬華春實皆天地之珍氣也故斂之於冬者萬物之所以止也

首出庶物萬國咸寧

**傳**

卦下之

之一无字

辭為彖夫子從而釋之通謂

之彖彖者言一卦之義故知者觀其彖辭則

思過半矣大哉乾元贊乾元始萬物之道大

也四德之元猶五常之仁偏言則一事專言

則包四者萬物資始乃統天言元也乾元統

言天之道也天道始萬物

一更有萬字

物資始於

天也雲行雨施品物流形言亨也天道運行

生育萬物也大明天道之終始則見卦之六

位各以時成卦之初終乃天道終始乘此六



爻之時乃天運也以御天謂以當天運乾道  
變化生育萬物洪纖高下各以其類各正性  
命也天所賦為命物所受為性保合大和乃  
利貞保謂常存合謂常和保合大和是以利  
且貞也天地之道常久而不已者保合大和  
也天為萬物之祖王為萬邦之宗乾道首出  
庶物而萬彙亨君道尊臨天位而四海從王  
者體天之道則萬國咸寧也

程子曰大明終始人能大明乾

之終始便知六位時成却時無六龍以當天  
事○朱子曰伊川語錄中說仁者以天地萬  
物為一體說得太深无捉摸處易傳其手筆  
只云四德之元猶五常之仁偏言則一事專

言則包四者又曰仁者天下之公善之本也  
易傳只此兩處說仁說得極平實學者當精  
看此等處○問四德之元猶五常之仁偏言  
則一事專言則包四者曰元是初義生出來  
生後方會通通後方始向成利者物之遂方  
是六七分到貞處方是十分成此偏言也然  
義生中已具後許多道理此專言也惻隱是  
仁之端羞惡是義之端辭讓是禮之端是非  
是智之端若無惻隱便都沒下許多到羞惡  
也是仁義在羞惡上到辭讓也是仁義在辭  
讓上到是非也是仁義在羞惡上到大哉  
乾元萬物資始元者天地生物之端倪也元  
者生意在亨則生意之長在利則生意之遂  
在貞則生意之成若言仁便是這意思仁本  
生意生意乃惻隱之心也苟傷著這生意則  
惻隱之心便發若羞惡也是仁去那義上發  
若辭讓也是仁去那禮上發若是非也是仁  
去那智上發若不仁之入安得更非也是仁  
又曰元只是初底便是如木之萌如草之芽  
其在人如惻然有隱初來底意思便是所以



程子謂看鷄雞可以觀仁為是那嫩小底便有仁底意思在若能知得所謂元之亨元之利元之貞上面一箇元字便是包那四箇下面元字則是偏言則一事者須要知得所謂元之亨元之利之元貞之元者蓋見得此則知得所謂只是利之元貞之元者蓋是體言之則知得所謂只是利之元貞之元者蓋是亨之元孟秋之月便是利之元貞之元者蓋是十月便是貞之元也只是初底意思便是○四德之元猶五常之仁偏言則一事專言則包四者此段只於易元者善之長與論語言仁處看若天下之動貞夫一者也則貞又包四者周易一書只說一箇利則利又大也○專言仁則包三者言仁義則又管攝禮智二者如智之實知斯二者禮之實節文斯二者是也○問程易說大明天道之實終始則見卦之六位各以時成不知是說聖人明之耶抑說乾道明之耶曰此處說得鷄突但遺書有一段明說云人能明天道終始則見卦爻六位皆以時成以此語證之可見大明者指人

乾



能明之也。○問首出庶物萬國咸寧。恐盡是聖人。事伊川分作乾道。君道如何。曰乾道變化。至乃利貞。是天首出庶物萬國咸寧。是聖人。○東萊呂氏曰乾之六位自古自今隨在隨是。何嘗不成。但人不能明乾之終始。故自見其不成。其實六位元不曾損壞也。奇大明乾之終始。則事物物中六位歷然森列。應時俱成。更无漸次。

**本義** 聖人在上高出於物。猶乾道之變化也。

萬國各得其所。而咸寧猶萬物之各正性命。而保合大和也。此言聖人之利貞也。蓋嘗統而論之。元者物之始。生亨者物之暢茂。利則向於實也。貞則實之成也。實之既成。則其根蒂脫落。可復種而生矣。此四德之所以循環。



而无端也然而四者之間生氣流行初无間  
斷此元之所以包四德而統天也其以聖人  
而言則孔子之意蓋以此卦為聖人得天位  
行天道而致太平之占也雖其文義有非文  
王之舊者然讀者各以其意求之則並行而  
不悖也坤卦放此朱子曰首出無物須是聰  
明睿智高出無物之上以  
君天下方得萬國咸寧禮記云聰明睿智足  
以有臨也須聰明睿智皆過於天下之人方  
可臨得他又曰這卦大槩是說那聖人得位  
底若使聖人在下亦自有箇元亨利貞如首  
出庶物不必在上方如此如孔子出類拔萃  
便是首出庶物著書立言澤及後世便是萬  
國咸寧○元亨繼之者善也陽也利貞成之  
者性也陰也○元是未通底亨利是收未成

底貞是已成底譬如春夏秋冬冬夏便是陰陽極處其間春秋便是過接處○乾之四德元譬之則人之首也手足之運動則有亨底意思利則配之胃臟貞則元氣之所藏也又曰以五臟配之尤明白所屬木木便是元心屬火火便是亨肺屬金金便是利腎屬水水便是貞○元亨利貞只就物上看亦分明所以有此物便有此氣所以有此氣便有此理故易傳只說元者萬物之始亨者萬物之長利者萬物之遂貞者萬物之成不說氣只說物者言物則氣與理皆在其中伊川所說四句自動不得只為遂字成字說不盡故某略添字說盡○元亨利貞譬諸穀可見穀之生萌芽是元留是亨亨利貞是利成實是貞穀之實又復能生循環无窮又曰梅藥初生為元開花為亨結子為利成成熟為貞○仁義禮智似一箇包子裏面合下都具了一理渾然非有先後元亨利貞便是如此不是說道有元之時有亨之時○元亨利貞其發見有次序仁



義禮智在裏面自有次序到發見時隨感而動却無次序又曰發時无次第生時有次第○問孟子言仁義禮智義在第二易以義為利却成在第三曰禮是陽故曰亨謂之仁義禮智猶東西南北一箇是對說一箇是所謂元亨利貞猶東南西北一箇是對說一箇是從一邊說○四德取為智配冬者以其固也孟子以知斯二者弗去冬也又曰貞於五常為智孟子曰知斯二者勿去是也既知又曰弗去有兩義又知斯二者正固又於四時為冬冬有始終之義王氏亦云腎有兩龜蛇亦兩所以朔易亦猶貞也○元亨利貞性也生長收藏情也以元生以亨長以利收以貞藏者心也仁義禮智性也惻隱羞惡辭讓是非情也以仁愛以義惡以禮讓以智知者心也性者心之仁愛以義惡以禮用也心者性情之主也○建安丘氏曰此聖人體乾之利貞也元首者君之象也聖人出乎其類足以有臨於天下然後萬國咸底輯寧也○雲峯胡氏曰文王本從卜筮上說夫

乾

子則從義理上說故曰大曰始以贊乾之元  
 日終曰始以見乾貞下起元其釋元亨而曰  
 終始者終貞也不貞无以為元此四德之所  
 以循環而无窮也其釋利貞又曰首出首元  
 也非元无以為貞此又元之所包四德而  
 統天也其在聖人則得天位行天道而致太  
 平之占蓋垂六龍是得天位御天是行天道  
 萬國咸寧是致太平也彖傳主義理亦曷嘗  
 不可推之  
 卜筮我

象曰天行健君子以自彊不息

**傳**卦下象解一卦之象爻下象解一爻之象

諸卦皆取象以為法乾道覆育之象至大非  
 聖人莫能體欲人皆可取法也故取其行健  
 而已至健固足以見天道也君子以自彊不



息法天行之健也

**本義**

象者卦之上下兩象及兩象之六爻周

公所繫之辭也○天乾卦之象也凡重卦皆

取重義此獨不然者天一而已但言天行則

見其一日一周而明日又一周若重複之象

非至健不能也君子法之不以人欲害其天

德之剛則自彊而不息矣

朱子曰乾卦有兩乾是兩天也昨日

行一天也今日行又一天也其實一天而昨日

健不已此所以為天行健也○天惟健故不

息不可把不健而無息之問健足以形容乾否

乾

周易傳義大全一

二十一

用有體則有用有用則有體不可分先後說  
○問天運不息君子以自強不息曰非是說  
天運不息自家去趕逐也要學他如此不息  
只是常存得此心則天理常行而周流不息  
矣○安定胡氏曰天者乾之形乾者天之用  
天形蒼然南極入地下三十六度北極出地  
上三十六度人狀如倚杵其用則一晝一夜  
九十餘萬里人一呼一吸為一息一晝一夜  
天行已八十餘里人一晝一夜有萬三千六  
百餘息故天行九十餘萬里天之行健可知  
故君子法之以自強不息云○廣平時氏曰  
至誠无息天行健也若文王之德之純是也  
未能无息而不息者君子之自強也若顏子  
三月不違仁是也○建安丘氏曰自強也若  
下乾之象不息者體重乾之象○雲峯胡氏  
曰上經四卦乾曰天行坤曰地勢坎曰水洊  
至離曰明兩作先體而後用也下經四卦震  
曰洊雷艮曰巽山巽曰隨風兌曰麗澤先用  
而後體也乾坤不言重異於六子也稱健不  
稱乾異於坤也然乾雖不言重而不言天行則



一日一周明日又一周而重之義已見於行  
之一字自強所以為天德之剛或以人欲害  
之則息矣○雙湖胡氏曰夫子六十四卦大  
象自釋伏羲一卦兩體之象象皆夫子所自  
取文王周公所未嘗有故與卦爻之辭絕不  
相關六十四卦皆著一以字以者所以體易  
而用之也即一以字示萬世  
學者用易之方不可不察也

潛龍勿用陽在下也

傳陽氣在下君子處微未可用也

本義陽謂九下謂潛

朱子曰潛龍兩字是初九之象勿用兩字是告

占者之辨孔子作小象又釋其所以為潛龍  
者以其在下也諸爻皆如此推測自分明○  
進齋徐氏曰陽釋龍字下釋潛字在下故潛  
潛故勿用○雙湖胡氏曰小象於乾曰陽在  
下也於坤曰陰始凝也陰陽之稱始此蓋以  
六十四卦陰陽之初爻即太極所生兩儀之

乾

一以為諸卦通例陰陽之名一立而動靜健  
順剛柔奇偶小大尊卑變化進退往來之稱  
亦由是而著矣○雲峯胡氏曰夫子於乾坤  
初爻揭陰陽二字以明易之大義乾初曰陽  
在下坤初曰陰始凝扶陽抑  
陰之意已見於言辭之表

### 見龍在田德施普也

**傳**見於地上德化及物其施已普也

朱子曰九二君

德已著至九五然後得其位耳○厚齋馮氏曰龍在田則雨澤膏潤之象故曰德施普也

○盤澗董氏曰九二在下而云德施普者如日方升雖未中天而其光已無所不被矣○

雲峯胡氏曰小象提出一德字見九二之所謂大人者以德言非以位言也○山齋易氏

曰初之陽在下者陽氣潛伏而未出於地二之德施普者陽氣著見於地而普及於物此

二爻地道也



終日乾乾反復道也

復芳服反本亦作覆

**傳**進退動息必以道也

**本義**反復重複踐行之意

程子曰反復道也言終日乾乾往來

皆由於道也三位在二體之中可進而上可退而下故言反復○進齋徐氏曰反復往來

必由乎道動循天理雖危而安也○廣平游氏曰釋終日乾乾行事之時而曰反復道何

也蓋君子之行事雖汲汲皇皇而易簡之理未嘗離也亦行其所无事而已九三在下體

之上將離人而天矣故有反復道之象若夫聖人作而萬物覩則天德之所為確乎其能

事而已矣雖有為而未嘗為反復不容言矣

或躍在淵進无咎也

**傳**量可而進也

一有字

適其時则无咎也

一无字

乾

**本義**可以進而不必進也

但徠石氏曰爻辭云或躍无咎夫

子加進字以斷其疑也

飛龍在天大人造也

造祖早反

**傳**大人之為聖人

一無字之事也雲峯胡氏曰二之施以德

言五之造無德與位言有其德无其位不敢作禮樂即所謂造也

**本義**造猶作也

進齋徐氏曰大人造者聖人作也龍以飛而在天猶大人

以作而居位大人釋龍字造釋飛字

亢龍有悔盈不可久也

**傳**盈則變有悔也

進齋徐氏曰盈謂陽極不可久謂陰生以盈釋亢字

不可久釋有悔字人知其不可久而防於未亢之先則有悔者无悔矣○雲峯胡氏曰乾



上九陽之盈盈則必消故不可久坤  
上六陰之虛虛則必息故稱龍焉

用九天德不可為首也

**傳**用九天德也天德陽剛復用剛而好先則

過矣

東萊呂氏曰乾者萬物之首非有心於首萬物也雖為首而實未嘗為首也老

子竊窺无首之義而曰後其身而身先居其後乃所以致其先跡雖不為首心實為首也

觀此可知老易公私之辨

**本義**言陽剛不可為物先故六陽皆變而吉

○天行以下先儒謂之大象潛龍以下先儒

謂之小象後放此

朱子曰乾為萬物之始故天下之物无不資之以始

但其六爻有時而皆變故有羣龍无首之象而君子體之則當謙恭卑順不敢為天下先

乾

耳非謂天德不可為首也又非謂乾不為首也  
 也乾不為首則萬物何所資始而誰為首乎  
 者進齋徐氏曰六爻皆用九則乾變之坤九  
 變言即坤无首之義非謂乾剛有所不足也  
 善用九者物極必變剛而能柔不為物先用  
 坤道也○雲峯胡氏曰經言无首傳言不可  
 為首為人之用九者言也易存乎用用易存  
 人乎

文言曰元者善之長也亨者嘉之會也利者義

之和也貞者事之幹也長丁丈反  
下長人同

**傳**它卦彖象而已獨乾坤更設文言以發明

其一作文義推乾之道施於人事元亨利貞乾

之四德在人則元者眾善之首也亨者嘉義



之會也利者和合於義也貞者幹事之用也  
緇雲馮氏曰以長釋元義以會釋亨義以和  
釋利義以幹釋貞義○平菴項氏曰在事之  
初為元善之衆盛為嘉衆得其宜為義義所  
成立為事一理而四名也○臨川吳氏曰夫  
子於此釋元亨利貞四字而分為四德後人  
因之以配春夏秋冬仁義禮智皆推廣而言  
也之

**本義** 此篇申彖傳象傳之意以盡乾坤二卦  
之蘊而餘卦之說因可以例推云○元者生  
物之始天地之德莫先於此故於時為春於  
人則為仁而衆善之長也亨者生物之通物  
至於此莫不嘉美故於時為夏於人則為禮

而衆義之會也利者生物之遂物各得宜不相妨害故於時為秋於人則為義而得其分之

和貞者生物之成實理具備隨在各足故

於時為冬於人則為智而為衆事之幹幹木

之身而枝葉所依以立者也或問元者善之長朱子曰元亨

利貞皆善也而元乃為四者之長是善端初

幾處也又曰萬物之生天命流行自始至終

無非此理但初生之際淳粹未散尤易見耳

只如元亨利貞皆是善而元則為善之長亨

利貞皆是那裏來仁義禮智亦皆善也而仁

則為萬善之首義禮智皆從這裏出耳又曰

仁是惻隱之毋惻隱是仁之子又仁包義禮

智三者仁是長兄管屬得義禮智故曰元者

善之長○春秋傳記穆姜所誦之語謂元者

體之長覺得體字較好是一體之長也○亨



者嘉之會萬物到此皆盛大長茂无不盡美慶是  
故曰嘉之會嘉是美會是聚无不盡美慶是  
亨蓋自春至夏便是萬物暢茂物皆豐盈成  
遂其美然若只一物如此他物不如此人  
可以為會須是合聚來皆如此方謂之會  
義有箇分至如親其親長其長則是不和  
如不親其親而親他人之親便是安得謂  
臣父子各得其宜此便是和慶安得謂之  
利如君不君臣不臣父不父子不子此便  
不和安得謂之利又曰義之分別似乎无  
却是安順乃和慶蓋嚴肅之氣義也而萬  
不得此不生乃是和利是那義裏面生  
底凡事慶置得合宜利便隨之所以云利  
義之和蓋是義便無得利若只理會利却  
從中間半截做下去遺了上面一截底○孔  
子只說義之和為利不去利上求利只義  
慶便是利又曰義者得宜之謂慶得其宜  
逆了物即所謂利○貞者事之謂幹伊川  
字只以為正恐未足以盡貞之義須是說  
而固然亦未推得到知上看得來合是如

知是那默運事變底一件物事所以為事之  
幹又曰正字也有固字意思但不分明終是  
欠闕正如孟子所謂知斯二者弗去是也知  
斯是正意弗去是固意貞固是固得恰好如  
尾生之信是不貞之固須固得好方是貞問  
又有所謂不可貞者是如何曰也是這意思  
只是不可以為  
正而固守之

# 君子體仁足以長人

**傳**

體法於乾之仁乃為君長之道足以長人

也體仁體元也比而效之謂之體仁朱子曰體

相似人在那仁裏做骨子仁是箇道理須是  
有這箇人方體得他做箇骨子比而效之  
說却覺不是○問伊川解體仁長人作體乾  
之仁看來在乾為元在人為仁只應就人上  
說曰然君子行此四德則體仁是君子之仁  
也○東萊呂氏曰仁者人也合而言之道也



只為人不能合故必比而效之執柯伐柯其  
則不遠比而效之謂也○進齋徐氏曰體  
者以身法之也仁乃天地生物之心君子能  
體之以身則念念皆仁而有博施濟眾之功  
故足以長人如克長克君之類是也○廣平  
游氏曰仁為眾善之首故足以長人猶萬物  
發育乎春而  
震為長子也

嘉會足以合禮

**傳**得會通之嘉乃合於禮也不合禮則非理

豈得為嘉非理安有亨乎

雷氏曰嘉美合於中而其德充實然

後動與  
禮合

利物足以和義

**傳**和於義乃能利物豈有不得其宜而能利

乾

物者乎

程子曰陰為小人利為不善不可一

害陽者小人也夫利和義者善也其害義者  
不善也又曰義安處便為利○朱子曰利物  
足以和義覺見他說得糊塗如何喚做和合  
於義此句都說不切○問程子曰義安處便  
是利只是當然而然便是義之和不處程子當  
各得其分便是利便是義之和不處程子當  
此處解得未親切○不似這語却親切正好去  
解利者義之和處○毅齋沈氏曰義與利自  
人心言之則義為天理利為人欲自天理言  
之則利者義之宜義者利之理公天下之利  
則舉天下萬物  
各正其性命矣

貞固足以幹事

傳貞

正一作

固所以能幹事也

東萊呂氏曰世

能幹事貞固者不能幹事此蓋錯認朴拙為  
貞固耳殊不知世所謂疏通者雖能取辦目



前然不貞不固終必敗事  
故惟貞固者為能幹事也

**本義**以仁為體則无一物不在所愛之中故

足以長人嘉其所會則无不合禮使物各得  
其所利則義无不和貞固者知正之所在而  
固守之所謂知而弗去者也故足以為事之

幹朱子曰體仁不是將仁來為我之體我之體便都是仁也又曰本義云以仁為體者

猶言自家一箇身體元來都是仁又曰本義說以仁為體似不甚分明然也只得恁地說

○嘉會足以合禮嘉美也會是集齊底意思  
許多嘉美一時闡湊到此故謂之嘉會嘉其

所會便動容周旋无不中禮人之脩為便處  
處皆要好不容特是要一處好而已須是動

容周旋皆中乎禮可也故曰嘉會就亨者嘉  
之會觀之嘉字是實會字是虛嘉會足以合

禮則嘉字却輕會字却重又曰嘉會雖是有  
禮後底事然這意思却在禮之先嘉其所會  
時未說到那禮在然能如此則便能合禮利  
物時未說到和義在然能便物各得其利則  
便能和義○義自然和不是義外別討箇和  
使物各得其宜何利如之如此便足以和義  
這利字是好底如孟子所謂戰國時利是不  
好底這箇利如那未有仁而遺其親未有義  
而後其君之利又曰利物足以及利和之如  
難看老蘇論此謂慘殺為義必以和義此句最  
武王伐紂義也若徒義則不得天下之義必  
散財發粟而後可以和其義若如此說則義  
在利之外分截成兩段了看來義之為義只  
是一箇宜其初則甚嚴如男正位乎外女正  
位乎內直是有內外之辨君尊於上臣恭於  
下尊卑大小截然不可犯似若不和之甚然  
能使之各得其宜則其和也孰大於是至於  
天地萬物无不得其宜則其和亦只是利之  
只是就義中便有一箇和既曰利者義之和  
却說利物足以和義蓋不如如此不足以和



義也。○貞固足以幹事。幹如木之幹。事如木之枝葉。貞固者正而固守之。貞固在事是與立。箇骨子所以為事之幹。欲為事而非此之貞固。便植立不起。自然倒了。問貞固二字與體仁嘉會利物似不同。曰屬北方者。便著用兩字。方能盡之。○問文言四德一段。曰元者善之長。以下四句說天德之自然。君子體仁足以長人。以下四句說人事之當然。元只是善之長。萬物生理皆始於此。眾善百行皆統於此。故於時為春。於人為仁。亨是嘉之會。此句自來說者多。不明嘉美也。會猶齊也。嘉會眾美之會。猶言齊好也。春天發生萬物未大。故齊到夏時。洪纖高下各各暢茂。蓋春方生育至此。乃无一物不暢茂。其在人則禮儀三百威儀三千事事物物。大大小小一齊到恰好處。所謂動容周旋皆中禮。故於時為夏。於人為禮。周子遂喚作中利者。為義之和。萬物至此各遂其性。事理至此无不為義之宜。故於時為秋。於人為義。貞者乃事之幹。萬物至此收成實事理至此无不的正。故於時為冬。於

人為智此天德之自然其在君子所當從事  
於此者則必體仁乃足以長人嘉會足以合  
禮利物足以和義貞固足以幹事此四句倒  
用上面四箇字極有力體者以仁為體蓋仁  
為我之骨我所以之為體仁仁皆從我發出故无  
物不在所愛所以能長人嘉會足以合禮者  
須是美其所會也欲其小大會之美當美其所  
會蓋其厚薄親疎尊卑小大相接之體各有  
節文无不中節則所會皆美所以能合於禮  
也利物足以和義者使物各得其利則義  
无不和蓋義是斷制裁制之物若似不和然  
惟義能使事物各得其宜不相妨害自无乖  
戾而各得其分之和所以為義之和也貞固  
足以幹事者貞正也知其正之所在固守而  
不去故足以為事之幹幹事言事之所依以  
立蓋正而能固萬事依此而立在人則是智  
至靈至明是非確然不可移易不可欺  
瞞所以能立事也非如板築之有楨幹今人  
築牆必立一木於中為骨俗謂之夜叉木无  
此則不可築橫曰楨直曰幹无是非之心非



知也知得是是非非之正堅固確守不可移  
易故曰智周子則謂之正也○雲峯胡氏曰  
元亨利貞釋彖分而二之一陰一陽之謂也  
文言分而四之四時五行之謂也前四句程  
傳從人事上說本義無天人後四句人事之  
德之自然而未嘗不在於人後四句人事之  
當然乃人之所以全其天又曰體仁有以存  
諸中嘉會則義見乎外利物有以方乎外而  
貞固有以守於中前四句善以理言而嘉會  
則言用義以理言而幹事則為用禮者仁之  
著智者義之藏也後四句體仁長人貞固幹  
事由理以及用嘉會合體利物和義則由用  
以及理也○雙湖胡氏曰在乾為元亨利貞  
在君子為仁義禮智雖不言智而貞固者智  
之事也非智及安能貞固此仁  
智交接即貞下起元之義也

君子行此四德者故曰乾元亨利貞

**傳**行此四德乃合於乾也

**本義**

非君子之至健无以行此故曰乾元亨

利貞○此第一節申彖傳之意與春秋傳所

載穆姜之言不異疑古者已有此語穆姜稱

之而夫子亦有取焉故下文别以子曰表孔

子之辭蓋傳者欲以明此章之為古語也或問

乾元亨利貞猶言性仁義禮智朱子曰此語甚穩當又曰乾元亨利貞他把乾字當君子

○隆山李氏曰乾道變化又曰君子行此四德者謂之道者統而言之謂之德者分而

言之然要其極則一也○雲峯胡氏曰天行健天之乾也君子行此四德君子之乾也○

建安丘氏曰六十四卦彖辭曰元亨利貞者乾坤屯隨臨无妄革也如坤元亨利牝馬之

貞屯隨之大亨貞臨无妄革之大亨以正皆只是大亨而利於正獨乾謂之四德者非夫



乾

子所自取也按左氏傳襄公九年穆姜往東  
宮筮之遇艮之隨至十二年而孔子始生上  
距穆姜十四年穆姜之時已謫隨繇之辭曰  
元體之長也亨嘉之會也利義之和也貞事  
之幹也體仁足以長人嘉德足以比合禮利物  
足以和義貞固足以幹事其言比今文言繞  
易數字則知四德之論蓋古有是言非出於  
孔子明矣特夫子繫易之論蓋古有是言非出於  
甚大隨卦不足以盡之故削其辭而附于乾  
然元亨利貞在乾可以四德言他卦只當本  
文王之意而釋之也○節齋蔡氏曰文飾也  
言辭也文釋彖象之辭以盡彖象之意乾坤  
居衆卦之首故特詳之而餘卦可以類推也  
○雙湖胡氏曰朱子謂孔子十翼專用義理  
幾揮經言竊意彖象繫辭說卦雜卦專言象  
數乃用易之括例唯乾坤文言純以義理發  
之其次序卦只用卦名幾其次序之義而  
不及象數也○陸氏德明曰周易經文王周  
公所作也傳孔子所作也司馬談論六經要  
指引天下殊塗而同歸一致而百慮謂之易

大傳班固謂孔子晚而好易讀之幸編三絕而為之傳傳即十翼也前漢六經與傳皆別行至後漢諸儒作註始合經傳為一爾今王弼註本首卷題曰周易上經乾傳餘卷亦有泰傳噬嗑傳咸傳夬傳豐傳之名蓋弼所用者鄭氏本鄭氏既合彖傳象傳於經故合題之耳○漢上朱氏曰魏高貴鄉公問博士淳于俊曰今彖象不連經文而註連之何也俊對曰鄭康成合彖象於經者欲使學者尋省易了孔子恐其與文王相亂是以不合則鄭未註易經之前彖象不連經文矣○東萊呂氏曰漢上謂王弼以文言附於乾坤二卦按淳于俊謂鄭康成合彖象於經不言合彖象文言於經則朱氏之說是也

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

樂音



洛

**傳**自此以下言乾之用用九之道也初九陽

之微龍德之潛隱乃聖賢之在側陋也守其

道不隨世而變晦其行不求知於時自信自

樂見可而動知難而避其守堅不可奪潛龍

之德也程子曰樂則行之憂則違之樂與憂皆道也非己之私也○朱子曰伊川

說乾之用乾之時乾之義難分別到了時似

用用似義○問時與義曰夏日冬日時也飲

湯飲水義也許多名目須是逐一理會過少

問見得一箇却有一箇落著不爾都只恁地

**本義**龍德聖人之德也在下故隱易謂變其

乾

所守大抵乾卦六爻文言皆以聖人明之有

隱顯而无淺深也朱子曰潛龍勿用何謂也

便說不必言專說人事天大槩各就他要說處

拔非專為退避不改其操也憂樂行違時焉

而己其守无自而可奪如富貴不淫貧賤不

移之意○問文言六爻皆以聖人明之有隱

顯而无淺深如何日在學忠信進德脩辭立誠在

聖人分上如何日在學忠信進德脩辭立誠在

聖人則不熱安而行之也又問本義釋庸言

庸行以為盛德之至釋閑邪存誠以爲無斁

亦保是此意否曰謹信存誠是裏面工夫无

跡忠信進德脩辭居業外而事微有跡在聖

人分位皆做得自別又曰乾一卦皆聖人之

德非是自初九以至上九漸漸做來蓋聖人

自有見成之德所居之位有不相同爾德无淺

深而位有高下也○廣平游氏曰龍德而隱

故不易乎世者非譽不在物故不見是而

无悶不成乎名者非譽不在物故不見是而



无悶。○雲峯胡氏曰：樂行憂違，即所謂用舍无與於已。行藏安於所遇，聖人之事也。○進齋徐氏曰：遯世无悶者，安土樂天也。樂行憂違，景說出潛龍意思。初九備聖人之德，從容无礙，日用之間，无非此道之流行。意苟順適，與物无忤，則不私其有，庶同於人。陽之舒也，此樂則行之之意也。少有拂逆，我心不快，則超然順避，不失於已。陰之翕也，此憂則違之，意也。樂行憂違，雖不凝滯於物，而所以立已者，蓋確乎其不可拔，非守道之固者能之乎？此其所以為潛龍也。

九二曰：見龍在田，利見大人。何謂也？子曰：龍德而正中者也。庸言之信，庸行之謹，閑邪存其誠，善世而不伐，德博而化。易曰：見龍在田，利見大人。君德也。

行下孟反

乾



**傳**以龍德而處正中者也。在卦之正中為得

正中之義。庸信庸謹。造次必於是也。既處无

過之地。則唯在閑邪。邪既閑。則誠存矣。善世

而不伐。不有其善也。德博而化。正己而物正

也。皆大人之事。雖非君位。君之德也。程子曰

誠自存。如人有室垣牆。不脩不能防寇。寇從

東來。逐之則復有自西入。逐得一人。一人復

至。不如脩其垣牆。則寇自不至。故欲閑邪也。

○敬是閑邪之道。閑邪存其誠。雖是兩事。然

亦只是一事。閑邪則誠自存矣。天下有一箇

善。一箇惡。去善即是惡。去惡即是善。○閑邪

則誠自存。而閑其邪者。乃在於言語飲食進

退與人交接之際而已矣。○閑邪則誠自存。

不是外面捉一箇誠。將來存著如此。則豈有入

役於不善中。尋箇善來存著如此。則豈有入



善之理只是閑邪則誠自存閑邪更著甚工夫但惟是動容貌整思慮則自然生敬敬只是主一也。○閑邪則固一矣然主一則不消言閑邪。○或問閑邪則固一矣主一則更不消言閑邪朱子曰只是覺見邪在這裏要去閑他則心便一了所以說道閑邪則固一矣既一則邪便自不能入便更不消說又去閑邪

**本義**

正中不潛而未躍之時也常言亦信常

行亦謹盛德之至也閑邪存其誠无斁亦保

之意言君德也者釋大人之為九二也

朱子曰庸

言庸行盛德之至到這裏不消恁地猶自閑邪存誠便是无斁亦保雖无厭斁亦當保也保者持守之意。○乾之九二處得其中都不著費力常言既信常行既謹但用閑邪怕它入來若九三剛而不中過高而危故有乾乾之戒。○兩處說箇君德却是要求發明大人即

乾



是九二孔子怕人道別箇大人故互相發。龍德正中以下皆君德言雖不當君位却有君德所以也。做大人伊川却說得這箇大人做兩樣。蘭氏廷瑞曰邪自外入故閑之誠自我有故存之。西溪李氏曰天理人欲不兩存苟閑得一分人欲便存得一分天理又曰聖人之學正心誠意便是治國平天下底事信謹之始便要善世不伐德博而化蓋君德權輿於此矣。西山真氏曰易以二五為中故九二曰龍德正中九五曰飛龍在天皆以得中故也。初則人勿用三則危四則或上則悔夫乾天德聖人之事也必以中為貴以不中為戒則天下之至善豈有過於中者乎。厚齋馮氏曰易者理學之宗而乾坤二卦又易學之宗也。孟子言誠者天之道先儒謂誠敬者聖學之源皆出於此。○隆山李氏曰乾畫一實則誠敬誠畫一虛則生敬故乾九二言誠坤六二言敬誠敬二字始於包犧心畫而實天地自然之理也。



九三曰君子終日乾乾夕惕若厲无咎何謂也  
子曰君子進德脩業忠信所以進德也脩辭立  
其誠所以居業也知至至之可與幾也知終終  
之可與存義也是故居上位而不驕在下位而  
不憂故乾乾因其時而惕雖危无咎矣

幾堅  
漢反

**傳**

三居下之上而君德已著將何為哉唯進

德脩業而已內積忠信所以進德也擇言篤  
志所以居業也知至至之致知也求知知至  
而後一無  
後字至之知在先故可與幾所謂始  
條理者知之事也知終終之力行也既知所

終則力進而終之守之在後故可與存義所  
謂終條理者聖之事也此學之始終也君子  
之學如是故知處上下之道而无驕憂不懈  
而無懼雖在危地而无咎也

程子曰忠信為基本所以進德

也辭脩誠意立所以居業也此乃乾道由此二句可至聖人也○脩辭立其誠不可不子細理會言能脩省言辭便是要立誠若只是脩飾言辭為心只是為偽也若脩其言辭正為立己之誠意乃是體當自家教以直內義以方外之實事道之浩浩何處下手惟立誠才有大可居之慶有可居之慶則可修業終日乾乾大居之大事只是忠信所以進德為實下手處脩辭立其誠為實脩業處○知至則當至之知終則遂終之須以知為本知之深則當行之必至無有知之而不能行者只是知得淺飢而不食鳥豕人不蹈水火只是知人為



不善只為不知知至而與存義知至是事故可  
與幾知終而終之故可與存義知至是事故可  
博學明辨審問慎思皆致知至之事篤行  
便是終之如始條理終條理因其始條理故  
能終條理猶知至即能終之。知至至之主  
知知終終之主終知至至之如今學者且先  
知有至處便從此至之是可與幾也非知幾  
安能先識至處知終終之知學之終處而終  
之然後可以守義。朱子曰程傳云內積忠  
信是實心擇言篤志是實事擇言是脩辭篤  
志是立誠明道論脩辭立其誠所以居業說  
得來洞洞流轉若伊川以篤志解立其誠便  
緩了又曰伊川說內積忠信積字說得好。  
知至至之主知終終之主終蓋上句則以  
知至為重而終之二字為輕下句  
則以知終為輕而終之二字為重

**本義**

忠信主於心者无一念之不誠也脩辭

見於事者无一言之不實也雖有忠信之心

然非脩辭立誠則无以居之知至至之進德之事知終終之居業之事所以終日乾乾而夕猶惕若者以此故也可上可下不驕不憂

所謂无咎也

朱子曰進德脩業四箇字煞包括道理最可玩味○忠信所以

進德忠信只是實其心之哉然從知上來吾心知得是非端的是如此此心便實實便忠信吾心以為實然從此做去即是進德處脩辭立誠又是進德事問立誠不就制行上說而特指脩辭何也曰人不誠處多在言語上又曰人多將言語做後緊要容易說出來若一一要實這工夫自是大忠信進德便是得脩辭立誠底許多道理脩辭立誠便要立得這忠信若口不擇言逢事便說只這忠信亦被汨沒動盪立不住了○忠信是知得到真實極至處脩辭立誠是做到真實極至處不是真實知得進箇甚麼前頭黑窰窰地



乾

如何進得去既知得若不真實去做那箇道理也只懸空在這裏無箇安泊處所謂忠信也只是虛底道理而已忠信進德脩辭立誠居業工夫之條件也知之至之可與存義工夫之知至之終之可與存義工夫之知至之立誠便是材料下面知至知終惟有實了方會如此大抵以忠信為本忠信只是實若無實如何會進如播種相似須是實有種子下在泥中方會日日見發生若把箇空殼下在裏面如何會發生即是空道理須是實見得若徒將耳聽過將口說過濟甚事忠信所以為實者且如孝須實是孝方始那孝之德一日進一日如若不實却自無根了如何會進今日進見恁地去明日有三四分意思自然覺得不同立其誠誠依舊便是上面忠信脩辭是言語照常如此不少問斷德是得之於心業是見之於事進德是自覺得意思日強似一日

日振作似一日不是外面事只是自見得意  
思不同又曰忠信二字與別處說不同且如  
破釜此方會廬舍持三日糧示有這心如此方  
心進德又曰忠信便是意誠處如惡惡臭如  
會進德直是事物皆是誠得如此純是天  
好則德日進不事物皆是誠得如此純是天  
理上會進不事物皆是誠得如此純是天  
事一確二脩辭便是立誠如一句便立誠  
丁一確二脩辭便是立誠如一句便立誠  
誠若還脫空亂語誠如一句便立誠  
只於平日語默之際所以氣上又曰脩辭立誠  
而發意味自別明道所謂體當自家敬以直思  
內義以方外之實事者只觀淺深矣問脩辭  
妄便見其德之厚薄所養之觀淺深矣問脩辭  
立誠與閑邪存誠用力脩辭立誠他地位自別閑  
邪存誠不閑邪存誠用力脩辭立誠他地位自別閑  
○問進德只一般說至脩辭立誠却又言居業何  
也曰脩業居業二說只是脩辭立誠却又言居業何  
是脩常為此進德是守業如屋宇未脩則當脩  
之既脩則居之進德是守業如屋宇未脩則當脩



著居脩業便是要居他進如日知其所以只管進前去居如月无忘其所能只管日日終地做○忠信是始脩辭立誠是終知至至之是忠信進德之事知終終之是居業之事人做所以得進忠信進德與知至至之不會真實也這幾句都是去底字脩辭立誠與知終終之可與存義都是住底字進德是日日新居業是日日如此進德是營度方架這屋相似居業是據見成底屋居之知至是知得到至處至之謂意思也隨他到那處終之謂意思會幾微處知終是知得到終處終之謂意思也隨他到那裏這裏便與存義可與幾是見得前面這箇道理便能日進向前去存義是守這箇義只是這箇道理常常在這裏可是心肯意肯之義譬如昨日是无奈何勉強去為善今日是心肯意肯要去為善可與存義是旁人說與可與立可與權之可與同又曰知至至之主在至上知終終之主在終上至是要到那處而未到之辭如去長

安未到長安却先知道長安在那裏從後行  
去這便是進德之事進德只管要進去便是  
要至之未做到那裏先知道如此所以說可  
與幾進字貼著那幾字至字又貼著那進字  
終則只是要守業今日如此明日又如此所  
以下箇居字終者只這裏終居字貼著那存  
字終字又貼著那居字至字是就心上說義是  
那業上底道理問終字至字其義相近如何  
曰這處人都作兩段袞將去所以難得分曉  
須分作四截說知至是知得到處知終是終  
其到處至之是須著行去到那處終之是定  
要守到那處上兩箇知字却一般遺書所謂  
知至至之主知也知終終之主終也均一知  
也上却主知下却主終要得守故如此○忠  
信脩辭且大綱說所以進德脩業之道知至  
知終則又詳其始終工夫之序如此忘信心  
也脩業事也然蘊於心者所以見於事脩於  
事者所以養其心此聖人之學所以為內外  
兩進而非判然二事也所知至則知其道之  
止至之乃行矣而驗其所知也知終則見其



道之極致終行之乃力行而期至於所歸宿之  
 地也知而行之乃知二者交相警發而其道  
 日益光明終日乾乾又安有一息之間哉○  
 體无剛柔位有貴賤因他這貴賤之位隨緊  
 慢說有那難處有那易處九三處一卦之盡  
 所以說得如此九二位正中便不怠地○乾  
 卦分明是先見得這箇透徹便一直做將去  
 如忠信所以進德至可與存義也都是徑前  
 做去有勇猛嚴厲斬截剛果之意須是見得  
 方能恁地更著力不得坤卦則未到這地位  
 敬以直內義以方外未幾緊貼把捉有持守  
 底意又曰忠信所以進德是乾健工夫蓋是  
 剛健粹精兢兢業業日進德而不已如活龍  
 然精彩氣燄自有不可及者直內方外是坤  
 順工夫蓋是固執持守依文按本底做將去  
 所以為學者事也忠信進德脩辭立誠與敬  
 以直內義以方外分屬乾坤蓋取健順二體  
 脩辭立誠自有剛健主立之體敬義便是箇  
 順之體進脩便是箇篤實敬義便是箇虛靜  
 故曰陽實陰虛又曰乾卦連格物致知誠意

正心都說了坤卦只有後面一節只是一箇  
持守柔順貞固循規蹈矩依而行之又曰乾  
是聖人道理自然而然坤是賢人道理便有  
用力處○厚齋馮氏曰此言進德脩業忠信  
辭誠知至知終以明終日乾乾夕惕若之實  
也君德著於二君位尊於五自三以往无非  
養其德業之日而在上下之間處之尤難進  
脩惕厲求无過以合於道可也接上卦故可  
以進終下卦故可以居○雲峯胡氏曰忠信  
主於心脩辭見於事主於心是德見於事是  
業進者日新而不已居者一定而不易曰至  
日幾皆進字意日終曰存皆居字意○臨川  
吳氏曰居上在下釋厲字以下體言則三居  
上畫故曰上位以二體言則三在下卦故曰  
下位不驕不憂  
釋无咎之義也

九四曰或躍在淵无咎何謂也子曰上下无常  
非為邪也進退无恒非離羣也君子進德脩業



欲及時也故无咎

離力  
智反

**傳**

或躍或處上下无常或進或退去就從宜

非為邪枉非離羣類進德脩業欲及時耳時  
行時止不可恒也故云或深淵者龍之所安  
也在淵謂躍就所安淵在深而言躍但取進  
就所安之義或疑辭隨時而未可必也君子  
之順時猶影之隨形可離非道也

**本義**

內卦以德學言外卦以時位言進德脩

業九三備矣此則欲其及時而進也

或問九  
四進德

脩業欲及時如何朱子曰君子進德脩業非  
但為一身亦欲有為於天下及時是及時而

進蓋進德脩業九三已備此則欲及時以進耳又曰上下无常進退无恒非為邪枉非離羣類隨時而變動靜不失其宜乃進德脩業之實也○九四中不在人則進而至于九五之位亦无嫌矣但君子本非有此心故云或躍而此又以非為邪也等語釋之○問內卦以德學言外卦以時位言曰雖言德學而時位亦在其中非德學何以處時位○雲峯胡氏曰三四皆以進德脩業言者重剛不中皆危疑之時也自昔聖賢處此惟有進德脩業而已况二爻在上下進退之間乾道變化之際於進退而識其幾知時者也於變化而見其妙知道者也所謂窮理盡性以至於命也進脩之要孰大乎此

九五曰飛龍在天利見大人何謂也子曰同聲相應同氣相求水流濕火就燥雲從龍風從虎聖人作而萬物覩本乎天者親上本乎地者親



下則各從其類也

**傳**人之與聖人類也五以龍德升尊位人之類莫不歸仰况同德乎上應於下下從於上同聲相應同氣相求也沅濕就燥從龍從虎皆以氣類故聖人作而萬物皆覩上既見下下亦見上物人也古語云人物物論謂人也易中利見大人其言則同義則有異如訟之利見大人謂宜見大德中正之人則其辨明言在見前乾之二五則聖人既出上下相見共成其事所利者見大人也言在見後本乎

天者如日月星辰本乎地者如蟲獸草木陰

陽各從其類人物莫不然也

程子曰雲從龍風從虎龍陰物

也出來則濕氣蒸然自出如濕物在日中氣亦自出雖木石之微感陰氣尚亦有氣則龍之興雲不足惟虎行處則風自生○動植之物有得天氣多者有得地氣多者本乎天者親上本乎地者親下然要之雖木植亦兼有五行之性在其中只是偏得土之氣故重濁也

**本義**作起也物猶人也觀釋利見之意也本

乎天者謂動物本乎地者謂植物物各從其

類聖人人類之首也故興起於上則人皆見

之

朱子曰夫子於此數句只是解飛龍在天利見大人觀字分明是解見字聖人作便



乾

是飛龍在天萬物覩便是人見之。天下所  
患无君不患无臣有如是君必有如是臣雖  
使而今天无少間也必有出來雲從龍風從虎  
只怕不是真箇龍虎若是真箇龍虎必生風  
致雲也。○本乎天者親上凡動物首向上是  
親乎上人類是也本乎地者親下凡植物本  
向无是親乎下草木是也禽獸首多橫生所  
以无智此本康節說。○臨川吳氏曰鶴鳴而  
子和雄鳴而雌應一鷄鳴而衆鷄皆鳴同聲  
相應也日月磁石鐵之母而可以引鐵同氣相  
取水於月磁石鐵之母而可以引鐵同氣相  
求也濕者下地故水之流趨之燥者乾物故  
火之然就之龍興則致雲雲從龍也虎嘯則  
風生風從虎也凡此六者皆同類相感召聖  
人與人亦同類故作於上而萬物咸覩之又  
曰先以聲氣水火雲風六句為比而後言聖  
人作則人利見之又動植之親上親下喻  
利見者之親聖人亦然諄諄言之而以下  
從其類一句總結上文九句也。○雲峯胡氏  
曰九五只是釋利見二字蓋大人之所以為

大者已釋於九二九二閑邪存誠德博而化  
五之飛龍在天則至誠之變化者也○雙湖  
胡氏曰夫子之贊乾九五如此後乎有若之  
贊夫子曰麒麟之於走獸鳳凰之於飛鳥泰  
山之於丘垤河海之於行潦類也聖人之於  
民亦類也正相似只是譬喻作義理說而或  
者以乾統八卦取  
象釋之穿鑿甚矣

上九曰亢龍有悔何謂也子曰貴而无位高而  
无民賢人在下位而无輔是以動而有悔也

**傳**九居上而不當尊位是以无民无輔動則  
有悔也

**本義**賢人在下位謂九五以下无輔以上九  
過高志滿不來輔助之也○此第二節申象



傳之意

誠齋楊氏曰六龍之首故曰貴高自四以下皆從九五故曰无輔。進齋

徐氏曰爻辭但言有悔而夫子以動釋之蓋吉凶悔吝生乎動也。臨川吳氏曰貴釋九之為龍高釋上之為亢无位者陽不得陽位也无民者純陽无陰也九三之賢在下而敵體不應是无輔也此所以動而有悔也然亢者天時有悔者人事識時善處者雖亢而能不動則亦不至於有悔矣

潜龍勿用下也

傳

此以下言乾之時勿用以在下未可用也

雲峯胡氏曰陽在下也以氣言此曰下也以人言

見龍在田時舍也

舍去聲

傳

隨時而止也

**本義**言未為時用也

厚齋馮氏曰舍與出舍於郊之舍同適止於位

非久安也。臨川吳氏曰龍之在田猶在下位未為時用也

終日乾乾行事也

**傳**進德脩業也

雲峯胡氏曰行所當行也

或躍在淵自試也

**傳**隨時自用也

**本義**未遽有為姑試其可

厚齋馮氏曰試如書試可乃已之試

四位近五未遽有為也

飛龍在天上治也

治傳直吏反本義讀作平聲

**傳**得位而行上之治也



**本義**居上以治下

臨川吳氏曰上謂在天居上而治下也

亢龍有悔窮之灾也

**傳**窮極而灾至也

臨川吳氏曰窮謂亢灾謂有悔

乾元用九天下治也

治直吏反

**傳**用九之道天與聖人同得其用則天下治

也

隆山李氏曰四德獨舉一元何也元亨利貞同出於元如循環然乾道之終則一元

復用矣

**本義**言乾元用九見與他卦不同君道剛而

能柔天下无不治矣○此第三節再申前意

或問乾元用九天下治也朱子曰九是天德健中便自有順用之則天下治如下文乃見

乾

天則則便是天德與上文見羣龍无首又別  
作一樣看○雲峯胡氏曰乾元用九與他卦  
不同者蓋一百九十二爻皆用九各有所指  
乾之用九則獨以剛而能柔人君治天下之  
道當如是也所以與他卦不同

# 潜龍勿用陽氣潜藏

**傳**此以下言乾之義方陽微潜藏之時君子

亦當晦隱未可用也或問程易乾之用乾之

易說朱子曰凡說經若移易得便不是本意  
看此三段只是聖人反復贊詠乾之德耳如  
上文潜龍勿用下也便是即此段陽氣潜藏  
便是首段龍德而隱者也聖人反復發明以  
示人耳問聖人於文言只把做道理說曰有  
此氣便有此理○厚齋馮氏曰孔子釋潜曰  
隱曰下曰藏隨事  
制義无不可也



見龍在田天下文明

**傳** 龍德見於地上則天下見其文明之化也

一作而化之

**本義** 雖不在上位然天下已被其化 厚齋馮氏曰文

謂物之鮮榮明謂化之光顯○龜山楊氏曰樂則行之憂則違之孔顏之所同天下文明

則孔子而已

終日乾乾與時偕行

**傳** 隨時而進也

**本義** 時當然也 臨川吳氏曰行即行事之行時當如此故曰與時偕行

或躍在淵乾道乃革

乾

一

周易卷六

五十三

**傳**離下位而升上位上下革矣

**本義**離下而上變革之時林氏栗曰初潛龍勿用而四乃革者

言革潛為躍也

飛龍在天乃位乎天德

**傳**正位乎上位當天德一作德矣

**本義**天德即天位也蓋唯有是德乃宜居是

位故以名之單氏曰乾六爻皆天德也而五為天位此天德之得位者也

亢龍有悔與時偕極

**傳**時既極則處時者亦極矣隆山李氏曰時行則偕行可也

時極則偕極是為不知變○進齋徐氏曰乾以德明爻初曰德之隱二曰德之中三四皆



曰進德五曰位乎天德獨上不言德者過中非德亢則有悔故不言德

乾元用九乃見天則

**傳**用九之道天之則也天之法則謂天道也

或問乾之六爻皆聖人之事乎曰盡其道者聖人也得失則吉凶存焉豈特乾哉諸卦皆然也

**本義**剛而能柔天之法也○此第四節又申

前意

臨川吳氏曰剛柔適中天之則也則者理之有限節而无過无不及者也又曰

夫子於文言傳釋一彖六爻已竟又申繹象傳至再以及見彖爻之辭義理无窮蘊奧難盡然獨於乾卦如此者蓋以六十四卦之首卦故特致詳此下重釋彖爻七節則與坤卦相

乾

周易傳義卷之一  
三十四  
似云。○雙湖胡氏曰。文言釋六爻。凡三節。第一節。似以德言。惟上爻。又似說位。第二節。初似說位。二似說時。位三。以上又似說用。第三節。却全似說時。亦略有分別。要之。朱子所謂聖人學易。只管體出許多意思。說者尤得之。

乾元者始而亨者也

**傳**又反覆詳說以盡其義既始則必亨不亨則息矣

**本義**始則必亨理勢然也

利貞者性情也

**傳**乾之性情也既始而亨非利貞其能不息

乎程子曰元亨者只是始而亨者也謂始初幾生大槩一例亨通也及到利貞便是各



正性命。○性情猶言資質體段。亭毒化育皆利也。不有其功。常久而不已者。貞也。詩曰維天之命。於穆不已。貞也。○利貞者。性情也。言利貞便是乾之性情。○朱子曰。明道云。不有其功。常久而不已者。貞也。此語說得好。不有其功。言化育之无跡。處為貞。

**本義**

**收斂歸藏乃見性情之實**

朱子曰。利貞

乾之性情。始而亨。時是乾之幾。作處共是一箇性情。到那利貞處。一箇有一箇性情。百穀草木皆有箇性情。了元亨方是他開花結子。時到這利貞時。方見他底性情。就這上看。乾之性情。便見得這是利貞誠之復。處。○問利貞者。性情也。曰。此性情如言本體元亨是幾。用處利貞是收斂歸本體。處如春時幾生到夏。長茂條達至秋。結子有箇收斂。操聚底意思。但未堅實至冬。方成在秋。雖是已實。漸欲脫去其本之時。然受氣未足。便種不生。故須到冬。方成人。只到秋冬疑若不見。生意不知都已收斂在內。如一株樹有千子。結實各具

乾

周易卷之六

生理却將其子種之便可成千株樹剥卦碩  
果不食正是此義於此見得生生不窮之意  
天地大德曰生天地別无句當只是生而已  
這箇道理直是自然无安排聖人亦是見  
得此機絨而發明出來耳○建安丘氏曰乾  
以一元之氣運轉於六虛之中始而終而  
始其生出者元也其歸宿者貞也而亨利乃  
其間之功用耳祈而四之則為渾然一元之氣也  
○雲峯胡氏曰夫子於文言既分元亨利貞  
而四之至此又如釋彖分而二之者也元亨  
萬物之出機其出也生意發見於外利貞萬  
物之入機其入也生意斂藏於內故乾之性  
情乃可於此而見之乾性情只是一健字健  
者乾之性而情其著見者也且性情並不言  
於此釋彖曰性命此則曰性性情而不言  
命非知性之本言性而  
不言情非知性之用也

乾始能以美利利天下不言所利大矣哉



**傳**乾始之道能使庶類生成天下蒙其義利而不言所利者蓋无所不利非可指名也故贊其利之大曰大矣哉

**本義**始者元而亨也利天下者利也不言所

利者貞也或曰坤利牝馬則言所利矣

朱子曰不

言所利是說得不似坤時利牝馬之貞但說利貞而已問程易謂无所不利故不言利如何曰是也乾則无所不利坤只利牝馬之貞則有利不利矣○節齋蔡氏曰不言所利此所以為大也如言利建侯利涉大川則言所利矣○雲峯胡氏曰言乾始能以美利利天下又在元字中前猶即四德而二之此則又合而一之曰乾元者始而亨者元亨者亦元也以見元與亨一也利貞者性情也夫子於

乾

乾利貞必合而言之以見利與貞一也至此則又渾乎乾始之元又可見元亨利貞之一矣

大哉乾乎剛健中正純粹精也

**本義**

剛以體言健兼用言中者其行无過不

及正者其立不偏四者乾之德也純者不雜於陰柔粹者不雜於邪惡蓋剛健中正之至極而精者又純粹之至極也或疑乾剛无柔不得言中正者不然也天地之間本一氣之流行而有動靜爾以其流行之統體而言則但謂之乾而无所不包矣以其動靜分之然



後有陰陽剛柔之別也

或問所謂流行之統

子曰大哉乾元萬物資始乾道變化各正性命只乾便是氣之統體物之所資始物之所正性命豈非无所不包但自其氣之動而言則為陽自其氣之靜而言則為陰所以陽常兼陰陰不得兼陽陽大陰小陰必附陽皆此意也。剛健中正為其嫌於不中正所以說箇中正陽剛自是全體豈得不中正近趙善譽說乾只是剛底一邊坤只是柔底一邊某說與他道聖人做一部易如何却將兩箇偏底物事放在劈頭如何不討箇混沌淪底放在那裏今註中便是破他說。雲峯胡氏曰剛柔以質言健順以性言本義云剛以體言健燕用言何也曰本義之意蓋謂剛健皆體也健則兼以用言耳以質言則有一定之體以性言則有无窮之用中者其行无過不及用也正者其立不偏體也純者不雜於陰柔指剛健言粹者不雜於邪惡指中正言不雜於陰柔似專指剛而言不雜於邪惡似專指正

而言本義之意皆以體也程子曰精者剛健中正純粹之極本義曰純粹者剛健中正之至極精者又純粹之至極其論益精矣

### 六爻發揮旁通情也

**本義**

旁通猶言曲盡

節齋蔡氏曰剛健中正而純粹精者惟九五足

以當之無用六爻以發揮其義者欲旁通以盡乎事物之情耳○雲峯胡氏曰曲盡其義者在六爻而備全其德者在九五一爻時乘六龍以下則為九五而言也

時乘六龍以御天也雲行雨施天下平也

**傳**

大哉贊乾道之大也以剛健中正純粹六

者形容乾道精謂六者之精極以六爻發揮旁通盡其情義乘六爻之時以當天運則天



之功用著矣故見

一作

雲行雨施陰陽溥暢

天下和平之道也

朱子曰陽氣方流行固已

以說剛健中正然不可道這裏却夾雜些陰柔所以却說純粹精觀其文勢只是言此四

者又純粹而精耳程易作六德解未安

**本義**言聖人時乘六龍以御天則如天之雲

行雨施而天下平也○此第五節復申首章

之意

中溪張氏曰彖言雲行雨施而以品物

行雨施而以天下平繼之則聖人之功即乾而雲雨乃聖人之德澤也○雲峯胡氏曰彖

言元亨利貞屬之乾而文言以屬之君子乾之德固在君子躬行中也彖傳言雲行雨施

屬之乾而文言以屬之聖人乾之功固在聖人發用內也

乾

君子以成德為行日可見之行也潛之為言也

隱而未見行而未成是以君子弗用也

行並下孟及未

見之見賢適反

**傳**德之成其事可見者行也德成而後可施

於用初方潛隱未見其行未成未成未著也

是以君子弗用也

**本義**成德已成之德也初九固成德但其行

未可見爾

朱子曰德者行之本君子以成德為行言德則行在其中矣德者得

之於心行出來方見這便是行問行而未成如何曰只是事業未就問乾六爻皆聖人事

安得有未成伊川云未成是未著莫是如此否曰雖是聖人畢竟初九行而未成問此只



論事業不論德否曰不消如此費力且如伊尹居有莘之時便是行而未成○雙湖胡氏曰德行以在身者而言見之行以在事者而言初九德成行立固自可以見之行事矣但其時位方當潛隱故其德行雖可見之行而時位未能成其所以行也是以爻辭以勿用之言之

君子學以聚之問以辨之寬以居之仁以行之  
易曰見龍在田利見大人君德也

**傳**聖人在下雖已顯而未得位則進德脩業而已學聚問辨進德也寬居仁行脩業也君德已著利見大人而進以行之耳進居其位者舜禹也進行其道者伊傳也

**本義** 蓋由四者以成大人之德再言君德以

深明九二之為大人也以朱子曰學以聚之問

且致頓寬大田地待觸類自然有會合處故

日寬以居之○廣平游氏曰乾之道不盡於

九二故有學問之功坤之道盛於六二故不

習无不利○進齋徐氏曰德者人所得於天

之理雖我之所固有然亦未嘗不散在事事

物物之間苟不務學則无以會聚衆理而有

諸己也學而弗問亦无以辨別衆理使之條

件不紊而精粗本末或不知所擇也學聚矣

問辨矣必有涵養寬裕之意自莫匪從容中

道之妙故橫渠張子云心大則百物皆通心

小則百物皆病必寬以居之則吾之所以學

聚問辨者常見其與心為一矣然仁者心之

全德生生而不窮也德至於仁與天同運无

一息間斷則吾之所居者固非徒大而無實

亦非固守而不化者也此仁以行之乃學問

之極功君子之成德也○臨川吳氏曰學聚



之以知其理仁行之以行其事問辨之以審  
別所當行於學聚之後寬居之以存貯所已  
知於仁行之先寬之所居即學之所聚者仁之所行即問之所辨者

九三重剛而不中上不在天下不在田故乾乾

因其時而惕雖危无咎矣

重直龍反下同

**傳**

三重剛剛之盛也過中而居下之上上未

至於天而下已離於田危懼之地也因時順  
處乾乾兢惕以防危故雖危而不至於咎君  
子順時兢惕所以能泰也

**本義**

重剛謂陽爻陽位

節齋蔡氏曰下卦以二為中上卦以五為

中三居二上過乎中也四居五下不及乎中也  
也在天五也在田二也三上未至於五下已

離乎二而中慶人位唯乾乾  
不息則雖處危地而无咎矣

九四重剛而不中上不在天下不在田中不在  
人故或之或之者疑之也故无咎

**傳**四不在天不在田而出人之上矣危地也

疑者未決之辭處非可必也或進或退唯所  
安耳所以无咎也

**本義**九四非重剛重字疑衍在人謂三或者

隨時而未定也雲峯胡氏曰九三九四當合  
看復之六四曰中行四居五

陰之中也益之三四皆日中行三與四居六  
爻之中也乾之二四亦居六爻之中而文言  
以不中稱之非但謂其不中也謂其重剛而  
不中爾蓋下乾之剛以二為中三則重剛而



過乎中上乾之剛以五為中四則重剛而不  
及乎中過則憂不及則疑然憂所當憂卒於  
无憂疑所當疑卒於无疑  
此二爻所以皆无咎也

夫大人者與天地合其德與日月合其明與四  
時合其序與鬼神合其吉凶先天而天弗違後  
天而奉天時天且弗違而況於人乎況於鬼神  
乎

夫音扶先悉薦  
反後胡豆反

**傳**大人與天地日月四時鬼神合者合乎道

也天地者道也鬼神者造化之跡也聖人先  
於天而天同之後於天而能順天者合於道  
而已合於道則人與鬼神豈能違也

程子曰  
大人者

乾

與天地合其德日月合其明非在外也又曰  
若不一本安得先天而天弗違後天而奉天  
時○鬼神言其功用天言其主宰○易言天  
亦不同如天道虧盈而益謙此通上下理亦  
如此天道之運亦如此如言天且弗違况於  
人乎况於鬼神乎此直謂形而上者言以鬼  
神為天地矣○臨川吳氏曰夫天專言之則  
道也此雖蕪地言之蓋以其主宰之理而言  
非指輕清之氣為天重濁之氣為地也日月  
四時鬼神皆天氣之循環而運行為鬼神為  
臨者為日月氣之循序而運行為鬼神為四  
之往來屈伸而生成萬物者為鬼神命名雖  
殊其實一也其所以明所以序所以能吉能  
凶皆天地之理主宰之天地以序所以能吉  
日月四時鬼神以氣言故曰明曰序曰吉凶  
也○雙湖胡氏曰天地日月四時鬼神之所  
以為德為明為序為吉凶者同一  
道也大人之與合亦合其道而已

**本義** 大人即釋爻辭所利見之大人也有是



德而當其位乃可以當之人與天地鬼神本  
无二理特蔽於有我之私是以梏於形體而  
不能相通大人无私以道為體會何彼此先  
後之可言哉先天不違謂意之所為默與道  
契後天奉天謂知理如是奉而行之回紇謂  
郭子儀曰卜者言此行當見一大人而還其  
占蓋與此合若子儀者雖未及乎夫子之所  
論然其至公无我亦可謂當時之大人矣或問  
先天而天弗違後天而奉天時聖人與天為  
一安有先後之殊朱子曰只是聖人意要如  
此天便順從先後相應不差毫釐也又曰天  
地只以形言先天而天弗違如禮雖先王未

之有而可以義起之類蓋雖天之所未為而  
吾意之所為自與道契天亦不能違也後天  
而奉天時如天叙有典天秩有禮之類雖天  
之所已為而理之所在吾亦奉而行之耳蓋  
大人无私以道為體此一節只是釋大人之  
德其曰與天地合其德與日月合其明與四  
時合其序與鬼神合其吉凶將天地對日月  
四時鬼神說便只是指形而下者言○童溪  
王氏曰先天而天弗違時之未至我則先乎  
天而為之而天自不能違乎我後天而奉天  
時時之既至我則後乎天也天而奉天之我  
能違乎天蓋大人即天也天即大人也○雲  
峯胡氏曰九二之大五亦當合看九五利見之  
大人即九二之大人然大人之所以為大人  
其工夫正在九二上至與天地合其德以下  
是釋大人之德乃學聚問辨之極功也九二  
大人於道不容不用力至此  
則以道為體无所容力矣

亢之為言也知進而不知退知存而不知亡知



得而不知喪

喪息  
浪反

**本義**

所以動而有悔也

厚齋馮氏曰進退者身也存亡者位也得

喪者物也此爻窮上反下則退矣九變為六則亡矣无民无輔則喪矣○雲峯胡氏曰初九曰潛之為言也隱而未見行而未成二句釋一潛字而言君子者再蓋必君子而後能安於潛也上九曰亢之為言也知進而不知退知存而不知亡知得而不知喪三句釋一亢字而言聖人者再蓋必聖人然後不至於亢也

其唯聖人乎知進退存亡而不失其正者其唯

聖人乎

**傳**

極之甚為亢至於亢者不知進退存亡得

喪之理也聖人則知而處之皆不失其正故

乾

不至於亢也

**本義**

知其理勢如是而處之以道則不至於

有悔矣固非計私以避害者也再言其唯聖人乎始若設問而卒自應之也○此第六節

復申第二第三第四節之意

厚齋馮氏曰聖人知進退存亡

而不言得喪者知進退存亡則无得喪矣○山齋易氏曰進退存亡在我者也得喪則效之見於彼者也○雲峯胡氏曰天數中於五陽極則剥乾上則亢中不可過也知其時將過乎中而處之不失其正其唯聖人乎貞者正也乾元之用所歸宿也乾之四德始於元至此又論聖人之體乾而歸于正其意深矣○朱子曰文言六爻皆是言聖人之德只所處之位不同初爻言不易乎世不成乎名遯世无悶不見是而无悶樂則行之憂則違之



潛龍也已。是說聖人之德了。只是潛而未用耳。到九二却恰好。其化已能及人矣。蓋正是臣位。所以處之而安。到九三居下卦之位。已高了。那時節。無可做得。只得恐懼。進德脩業。乾乾不息。此便是伊周地位。九四位。便乖。或躍在淵。伊川謂淵者。龍之所安。恐未然。田是平所在。縱有水。亦淺。淵是深。不可測。躍離乎行。而未至乎飛行。尚以足躍。則不可以足一跳。而起。足不踏地。跳得便上天去。不得依舊在淵裏。皆不可測。下離乎行。上近乎飛。上不在天。下不在地。似九二安穩。此時進退不得。皆不由我。也只聽天時了。以聖人言之。便是舜歷試文王三分天下。有二湯武鳴條。牧野時到。上九又亢了。看來人處天運中。无一時閑吉。凶悔吝。一息不曾停。如大輪一般。一恁袞將去。聖人只隨他恁地去看。道理如何。這裏則將這道理處之。又曰。大抵易理。處之。那裏則將那道理處之。又曰。大抵易卦爻辭。本只是各著本卦本爻之象。明吉凶之占。當如此耳。非是就聖賢地位說道理也。


故乾六爻自天子以至庶人自聖人以至  
於愚不肖筮或得之義皆有取但純陽之德  
剛健之至若以義類推之則為聖人之象而  
其六位之高下又有似聖人之進退故文言  
其潛見躍飛自無文而聖人之跡各明  
其義位有高低下而德无淺深也○伊川云卦  
爻有相應者多且如乾卦如其  
說時除了二與五之外初何嘗應四三何嘗  
應上坤卦更都不見相應此似不通○雙湖  
胡氏曰六爻取應與不應夫子彖傳例也如  
恒彖曰剛柔皆應恒此六爻以應言也如艮  
彖曰上下敵應不相與也此六爻雖居相應  
之位剛柔皆相敵而不相與則雖應亦不  
應矣又如未濟六爻皆應故曰雖不當位剛  
柔應也以此例之則六爻皆應者八卦泰否  
咸恒損益既濟未濟是也皆不應者亦八卦  
乾坤坎離震巽艮兌是也二體所以相應者  
初應四四應初二應五五應二二應三三應上  
上亦應陰爻與陽爻應者皆陽皆陰雖居相應  
爻應陰爻與陽爻應者皆陽皆陰雖居相應



之位則亦不應矣江都李衡曰相應者同志  
之象志同則合是以相應然事固多變動在  
因時故有以有應而得者有以有應而失者  
亦有以無應而吉者以無應而凶者夬九三  
以援小人而凶剥六三以應君子而無咎咸  
貴虛心而受人故六爻以有應而失所蒙六  
四以無應而困吝斯皆時事之使然故不可  
執一而定論也又觀彖辭重在中應五剛中  
應者凡五卦師臨升二以剛中應五無妄萃  
五以剛中應二至若比五以剛中上下五陰  
應之大有五以柔中上下五剛應之又剛應  
以柔得位上下五剛亦應之又不以六爻之  
應例論也


周易傳義大全卷之一





周易傳義大全卷之一









國朝